

太康縣志

卷六

卷六
列女

戚畹

賢媛

節孝

Kodak Color Control Patches

太康縣志卷之六

列女

月必儷日坤以承乾綱常所繫貞節為先松蒼柏勁玉碎

珠捐賢媛淑女襁許相聯志列女

戚琬

宋文帝袁皇后諱齊嬀陽夏人光祿大夫敬公湛之庶女也

母本卑賤后年至十六方見舉後適太祖初拜宜都王妃生

子劭東陽獻公主英娥上待后恩禮甚篤袁氏貧薄后每就

上求錢帛以贍與之上性節儉所得不過三五萬三五匹



後潘淑妃有寵愛傾後宮咸言所求無不得后聞之欲知信否乃因潘求三十萬錢與家以觀上意信宿便得因此恚恨甚深稱疾不復見上上每入必他處回避上數掩伺之不能得始興王濬諸庶子問訊后未嘗視也后遂憤恚成疾元慶十七年疾篤上執手流涕問所欲言后視上良久乃引被覆面崩於顯陽殿時年三十六上甚痛悼之詔前永嘉太守顏延之爲哀冊文甚麗及奏上自益撫存悼亡感今懷昔八字以致意焉有司奏謚宣皇后詔謚曰元初后生劭自詳視之使馳白帝此兒形貌異常必破國亡家不可舉便欲殺之文

帝狼狽至后殿戶外手掇幔禁之乃止

宋書

順帝謝皇后諱梵境陽夏人右光祿大夫莊之孫也父颺車

騎功曹昇明二年立爲皇后順帝禪位降爲汝陰王妃

南史

宋真宗沈貴妃宰相倫孫女祥符初以將相家女選入宮爲才人歷美人婕妤充媛爲人淑儉少華上以其家世厚待之真宗將册后問參政趙安仁以沈氏對翌日又語王欽若欽若笑曰臣固知其必以此言彼嘗爲倫門客上以爲然仁宗

慶歷四年封爲德妃進貴妃薨年八十三謚昭靜

宋史

明神宗順妃張氏太康張溱女萬歷十六年選入宮封順妃

授溱錦衣衛千戶

賢媛

謝朗母王氏朗父據早卒朗善言元理文義豔發名亞於元
總角時病新起體甚羸萊堪勞於叔父安前與沙門支遁講
論遂至相苦母再遣信令還安欲留使竟論王氏因出云新
婦少遭艱難一生所寄惟在此兒遂流涕攜朗去安謂坐客

曰家嫂辭情慷慨恨不使朝士見之

晉書
謝朗傳

晉王凝之妻謝氏字道韞安西將軍奕之女也聰識有才辯
叔父安嘗問毛詩何句最佳道韞稱吉甫作頌穆如清風仲

山甫永懷以慰其心安謂有雅人深致又嘗內集俄而雪驟
下安曰何所似也安兄子朗曰撒鹽空中差可擬道韞曰未
若柳絮因風起安大悅凝之弟獻之嘗與賓客談議詞理將
屈道韞遣婢白獻之曰欲爲小卽解圍乃施青綾布幃自蔽
申獻之前議客不能屈及遭孫恩之難舉厝自若聞夫及諸
子已爲賊所害方命婢肩輿抽刀出門亂兵稍至手殺數人
乃被虜其外孫劉濤時年數歲賊又欲害之道韞日事在王
門何關他族必其如此寧先見殺恩雖毒虐爲之改容乃不
害濤自爾嫠居會稽家中莫不嚴肅太守劉柳聞其名請與

談議道韞素知柳名亦不自阻乃簪髻素褥坐於帳中柳束修整帶造於別榻道韞風韻高邁叙次清雅先及家事慷慨流連徐酬問旨詞理無滯柳退而嘆曰實頃所未見瞻察言氣使人心形俱服初同郡張元妹亦有才質適於顧氏元每稱之以敵道韞有濟尼者游於二家或問之濟尼答曰王夫人神情散朗故有林下風氣顧家婦清心玉映自是閨房之秀道韞所著詩賦誄頌並傳於世

晉書列女傳

唐劉元佐母太康人元佐貴母嘗月織一絁示不忘本數教

元佐盡臣節見縣令走庭中白事退戒曰長吏恐懼卑甚思

爾父吏縣亦當爾而據案當之可乎元佐感悟待下加禮焉

舊志

元太康趙時敏母睢之襄邑人性嚴治家有法課子孫耕以

自給子孫早夜無敢怠惰時敏頗不事生業一日將遠遊從

師母喜曰聞汝欲求師遠方吾積有錢百緡爲汝壽費且治

行囊衣裝而遣之後時敏登科累任至大學士封母天水郡

太君

舊志

國朝朱氏太康貧人龍妻也夫死孀居好施舍貧人以凍餒告恒給衣食遇募修者竭力助之捐地十三畝入關帝廟以資香

火

李氏內黃訓導辛元吉祖母也性孝且慈事孀姑克盡色養姑歿停柩在室一日隣舍火延及其屋氏度不能救即伏身柩上誓與俱焚屋燼而柩卒無恙咸以為孝感所致當明季之亂流離道路攜姪與女俱逃遭危難勢不兩全棄女存姪人亦難之事聞撫按督學疊加旌獎有闕範儀型之額表其廬

孔氏吏員考授正九品劉越妻也性極賢孝相夫訓子家法甚嚴子魁元孫焯曾孫清華清彪皆入邑庠彪又以壬午中

武鄉試子孫賢才皆孔內助之力也孔年八十六歲顏大中丞額其門曰壹教延齡

張氏歲貢耿締妻事舅姑以孝聞相夫子篝燈佐讀卒以成名彛兄食指多析爨日好田宅彛以讓兄退語張氏張氏曰義舉也乃避正屋僻處東偏數椽茅舍了無怨言教子有法度長儉德三昭德五立德相繼登賢書四懿德中副車人皆以為華孺人不色喜其識見器量過人遠矣

李氏劉士冲妻性至孝姑多病氏晝夜紡績以奉甘旨三年如一日姑歿氏茹素終身君子賢之

節孝

晉

晉陵公主

孝武帝女適陽夏謝琨琨以黨劉毅見誅令公主改適琅邪王暕公主執意不行詔與謝氏離絕公主以琨家事委從子宏微宋武受命晉陵公主降封東鄉君以琨得罪前代東鄉君節義可嘉聽還謝氏

宋

王氏

太尉長史誕之女歸揚州秀才陽夏袁濯濯早卒孤祭初名愍孫饑寒不足王氏躬事績紡以供朝夕愍孫為吏部尚書忤於孝武王侯乘輿出負墼叩頭流血磚碎目傷子嘗疾憂念晝寢夢濯容貌如平生語曰愍孫無憂將為國家器不患沈沒但恐富貴終當傾滅耳王未嘗言及祭貴重恒懼傾滅乃以告之元徽元年卒祭後

為司徒盡忠死
詳本傳節南

明

李氏 張敏妻年二十敏歿生女甫七月紡績事舅姑姑年九十六歲後三年舅卒塋如禮知縣方亨狀聞旌表

趙氏 適邑諸生劉敬敬貢入成均卒遺腹生子遇歲饑舅姑欲嫁之趙斷髮毀容知縣劉濬狀聞旌表

鄭氏 適趙泰年十七泰役於京師死事姑舅養塋盡禮樹柏墓前有雙鳩伏鶴柏上歲久不去人以為節孝所感有司狀聞旌表

王氏 刑部郎中傑女適監正郭在豐子浩年二十浩卒守節撫孤子早逝又撫其孫六十餘年孫緒登進士年八十有一有司狀聞旌表

陳氏 年二十適崔福生子一歲福疾篤屬陳養親撫子陳泣曰此分內事君不必言苦節四十餘年事聞旌表

魏氏 適郭存恩年二十四恩故守節六十餘年撫一孤成立事聞旌表

毛氏 年十七適師與越二年與卒子惠甫七月事舅姑鞠子遇饑荒備極艱苦舅姑年八十餘相繼卒竭力營塋教子惠補邑諸生事聞旌表

劉氏 適程鍵生子政甫七十日鍵卒劉年十八父母將令他適剪髮垢面數日不食乃止孝事孀姑壽延九十餘事聞旌表政娶蕭氏生一子而死蕭劉形影相弔劉年八十餘卒蕭母子亦卒

孟氏 適舉人馮迪迪會試卒於途有子贄方一歲氏欲繼父曰爾死誰撫爾孤獨不念馮氏後乎乃止撫子補邑諸生事聞旌表

孫氏 王智妻年二十四智卒子聞甫三歲家貧歲饑織紉事翁姑事聞旌表

李氏 張永仁妻年十九永仁卒遺子甫一歲拮据撫孤成立孫心得曾孫所蘊俱補邑諸生年八十餘事聞旌表

李氏 適劉謙年二十夫歿守節七十三年事聞旌表

高氏 王笠妻年十九笄卒子灼一歲高奉事舅姑撫灼成立
娶葛氏生女三歲灼亦卒姑婦共室紡績自給事聞俱

旌表

徐氏 適諸生祝永相永相卒徐年二十三自經家人覺得不
死姑泣曰爾子二歲腹中孕八月奈何必死令祝氏絕
後徐乃止又生男家貧極艱苦訓長
子補邑諸生御史姚思仁以聞旌表

郭氏 適王汝祿年二十五無子汝祿病將死囑郭事養父母
郭泣曰此妾分內事何屬為既殞刻意奉舅姑敬長如
拮据四十年夫兄汝錫以子來寧為
嗣慈孝並著御史崔邦亮以聞旌表

李氏 年二十適畢錦牛載錦卒
守節四十六年事聞旌表

楊氏 適劉鑑年二十四鑑卒一子在襁褓家貧
遇歲凶茹荼餐糞志節極苦事聞旌表

師氏 適李洞年十七洞卒有遺腹越三月生子春
暉撫教有方補邑諸生以文行名事聞旌表

張氏 適許愚愚卒張年二十竭力教子言
詩為時名士中戊午鄉試事聞旌表

王氏 適劉錕錕卒王年二十七孝
事舅姑撫孤成立事聞旌表

王氏 適張朝鳴朝鳴卒子三歲
孤苦五十年事聞旌表

王氏 適劉濡濡卒無子年十八
苦節五十年事聞旌表

范氏 年十六歸灤州刺史王瑞麟灤州警兵民攜貳范脫簪
珥犒士卒城復保聚永平志之瑞麟卒挈二孤扶櫬歸
葬二子皆不祿初初佐諸
孫使成名五十年如一日

師氏 定興知縣宗魯女適李養中舅崇儒早卒姑孔撫養中
成立師十四歸李十七夫歿誓必死郭參政恭人其姊
也謂曰妹死誠是腹中焉知非男撫孤與死孰大越四
日果生男謂姊言良有見足不踰戶雖至親未嘗一見

孔年七十三卒師年四十七而終御史王世揚
表曰世節雙門知縣林可成表曰兩世貞節

韓氏 適胡可及早寡子女俱在提抱鞠育辛苦依祖姑居事
養維勤貞苦三十餘年知縣林可成表其門曰貞節

毛氏 適李嘉言二十三歲而寡子應奎甫六月事
舅姑以孝聞苦節五十六年巡按御史旌之

馮氏 孫得住妻年二十七夫歿子大卿二歲遺腹子
大相方娠撫孤成立守節四十六年巡按旌之

張氏 訓導涵女適段居業年二十七夫歿家業零替茹苦守
節撫二子成立孫學文補邑弟子年八十四撫按兩旌

其門

石氏 適韓守邦年二十夫歿子一元甫八月家貧紡織事孀
姑極辛苦師尚詔闔城翁及夫俱未葬撫柩號泣三晝

夜一元成立年七十
八卒撫按兩旌其門

陳氏 適張可大年二十二寡翁姑老子在孩提家貧日資紡
績荼苦萬狀孝奉舅姑撫孤成立苦節五十餘年撫按

兩旌

康氏 毛宸妻早寡撫二子成立教以義方年饑不令告賑曰
人子不自養親而求粟於官志行安在苦節三十年事

聞旌表

康氏 適李宗仁年二十七夫歿家貧紡織以給過歲荒饗
殮不繼荼苦自甘老姑劣子賴焉撫按俱加旌獎

王氏 適李鎬年二十二鎬卒自經以殉祖姑吳解救之并諭
曰祖父母老姑孀子春芳始遇歲死則上下無倚王乃

止奉養盡孝撫子成立苦
志冰霜撫按俱加旌獎

石氏 適監生張奈卒石年二十六頗知書矢柏舟之志刻
苦撫孤家亦中落過歲荒屢藜藿糟糠終能葺復舊業

年至九十餘卒
撫按兩旌之

張氏 適趙潼年十九潼卒遺子珊珠孝事舅姑二孤
成立珠補邑諸生珊為邑掾有司給額示獎

李氏 適御史師存智子宗孟年二十而宗孟卒子明
來方三歲奉舅姑撫孤成立撫按兩旌其門

劉氏 為邑諸生侯祝妻祝卒劉年十九遺孤三畏方二歲竭
力事舅姑撫勞子以慈孝聞 畏補邑諸生劉年七十

三卒有司
額旌其門

李氏 舉人王庶繼室也庶卒李年二十二妾岳氏年十八二
人同志相倚李有子雅補邑諸生娶劉氏亦早卒劉年

二十二兩世共守苦節及李以壽終劉亦卒岳依庶姪
堃居閉門禮佛年八十餘李事聞旌表岳劉有司額旌

其門

潘氏 適王綰綰卒潘年十九孤守確方一歲竭力事舅姑及
確成立娶黃氏夫婦相繼卒三孫幼弱撫育成成人苦節

五十餘年有
可額旌其門

趙氏 郭承麟妻年二十一麟卒子效古甫七月期必死姑泣
曰若死我誰倚孤誰撫爾存一家存盍延郭氏一脉乎

乃不死竭力治內事年
八十餘撫按屢旌其門

劉氏 適諸生王雅雅卒劉年二十二同姑李與翁遺妾岳三
嫠一室形影相弔李卒劉慟曰向以姑在故不死姑亡

何用生為竟以死從
知縣賀沂旌曰孝烈

武氏 適魯洪歲餘而洪卒無子惟姑在乃以姪一道
為嗣安貧紡織以事姑節操凜然撫按兩旌之

晉氏 適魯鵬鵬卒二子長雙警欠方三月無期功
強近可倚家貧茹苦堅節終老撫按兩旌之

李氏 張裴妻裴卒李年二十一姑老子幼家甚
貧薄艱苦備嘗以節聲聞撫按兩旌之

蔣氏 適賈玕玕卒蔣年二十五子甫數月蔣欲殉姑劉謂曰
向若翁之死我豈不能殉徒以孤在耳汝獨不念數月

藐孤乎蔣感其言而止與姑同臥起
教孤成立補邑諸生撫按兩旌之

李氏 適馬俊年二十九俊卒子大忠尙幼復一未離襁褓李織紉
自給撫子成立家漸裕李年九十六大忠年七十餘復

一年六十餘孫及曾元羅列膝前
撫軍鍾化民題其門曰貞操頤壽

馬氏 適張君琴年二十一而寡遺孤學典方二歲家貧孝事翁姑撫學典成立撫按兩旌其節

劉氏 適焦珥珥卒劉年二十三遺孤養中方一歲孝養孀姑家貧拮据辛勞勵節四十七年有司給額示旌

李氏 適劉科科卒李年二十無子遺產不給養殮朝夕孤苦五十餘年形影相弔終無怨尤邑令光盧旌其門

崔氏 適吳國富年二十六而寡遺孤八月家貧甚備極艱苦四十九年有司旌之

王氏 適高仁年二十六卒兩妾賀氏宋氏各一子俱在襁褓王誓無改節一妾從之坐臥不離凜然冰雪長十洞

王所出也儻有才能次子自謙為邑諸生王年八十餘賀與宋皆皓首有司旌之

郭氏 適師準年二十二準亡無子家貧拮据自給五十餘年有司旌之

王氏 適李養貴年二十一養貴卒紡織事舅姑撫孤成立苦節五十餘年有司旌之

高氏 適許邦寧邦寧卒家貧如洗撫孤成立有司旌之

張氏 張元母苦節教子孝行純篤有司題獎

席氏 適劉鳳祥生子進瑞甫三歲祥病篤屬以養姑育子席泣曰此我分內事君不必言苦節五十年事姑養葦盡禮撫孤成立有司屢旌

其門闢賊破城自焚死

郭氏 年十五適王本濬三歲本濬卒撫孤榮勳補邑弟子員壽七十有五有司奏聞旌表榮勳妻張氏年十三歸王

事郭以孝聞闖寇攻太康城陷榮勳自城下歸謂張曰吾列鬢序義不受賊辱顧白髮老人與呱呱孤奈何

張曰丈夫臨難當自決姑與孤皆吾事也遂相與泣別賊入城榮勳死之張以諸孤付婢僕獨扶姑避密屋中

賊入將刃姑張以身翼焉賊揮刀傷之張曰寧殺我勿傷吾姑賊嘆曰孝婦也委之去遂力創掖姑走匿天寧

寺水坑中郭曰吾守志存孤五十餘年死何憾爾為我撫弱孫幸無絕王氏後將躍水中張泣持之郭給曰我

餒甚張乃往採萍實以進姑已死矣吞聲悲咽刀傷復潰裂伏姑側二晝夜賊去乃匍匐至家適僕婢擁呱呱

來無恙也遂率至水坑昇姑屍歸而土寇又至張倉皇出城復思姑在殯脫遭寇火悔何及時盈城烈焰蹈火入瘞姑淺土中然後去土寇稍散奉姑柩合窆於翁墓携子應運避難河朔艱苦百出亂定返故里教子入庠時年已六十矣

張氏

邵再興妻年二十二再興病極屬以母子張曰君如不諱我必從君再興卒遂絕食姑百端諭之不聽膝下子方二歲抱送姑懷曰願善視是

許氏

庠生郭知興妻生子未一月郭卒妾于氏復生遺腹子遭時離亂苦心撫養各有成立歷五十餘年邑令旌之曰婺曜

騰輝

孔氏

指揮王來仁繼妻十六歸來仁三年而婺居苦志守節撫孤成立壽七十八有司旌之

喬氏

適生員丁自修孝事翁姑自修殉難喬流離轉徙甘藜藿教子廷榮成立廷榮食粟隲有司旌其門曰徽流三世

張氏

諸生晉嵩妻高卒自經知縣王珣狀聞旌表

王氏

適李可羣可羣卒即自經姑祝解救越三日又經母和解救又數日乘閒縊柩側事聞旌表

張氏

適李可久夫歿自經家人解救不得死姑與母百方諭之不聽自經者三卒死事聞旌表

郭氏

適張方方正卒次日自經事聞旌表

劉氏

諸生抄女適諸生王錫第以勤學致疾不起劉自經者四家人防護嚴後得聞經柩傍巡按御史楊嘉相以聞旌表

朱氏

適庠生張經邦未幾經邦病歿禱請代茹淡三年病愈經邦父承基卒哀毀病復作遂不起朱曰君先逝我從君矣越五日自經御

史毛在以聞旌表

何氏

思南知府維女年十七歸劉用久夫病劇期以必殉知府對公車何送父為永訣語悲不能勝及夫役何且泣

且止若為治行計者家人謹防之五日不食得聞縊柩傍有司狀聞旌表

包氏 適儒士劉志久志久病篤包泣曰君死我必從及卒以所繫麻縊死事聞旌表

王氏 適宋九錫九錫卒誓必死家人防之三縊卒死有司狀聞旌表

張氏 貢士懋德女字郭進儀子貢貢自幼痿痺兩家父母議毀盟氏知之誓從一而終及歸十餘年無一怨言夫故

閉樓日縊撫憲疏聞詔建坊旌表

陳氏 適張漢年餘漢卒自經死

方氏 縣縣主簿徐舜耕妻舜耕卒自縊事聞詔旌其門

王氏 適張孝孝貧備以度日孝卒自經死知縣光廬祭之旌其門

祝氏 適趙耀祖耀祖卒拜辭舅姑潛自經母王護持之不得死乃舉耀祖遺書付其弟出篋中所藏散與家人從容

縊於柩旁

李氏 諸生張淑世妻淑世有武畧擊賊馬厰集戰死李拊膺絕粒三日自縊死知縣梁以樟旌其門

蕭氏 適劉本善年二十四夫卒無子夜經於柩傍

劉氏 適丁九節年二十二九節卒劉欲殉以姑髦且有遺腹故姑待後生女撫之三歲姑歿劉乃縊於姑柩之側

許氏 苑一祥妻年二十九一祥卒絕食六日自縊知縣光廬旌其門

趙氏 適尚倫甘貧苦朝夕不給怡如也倫卒三日自縊時年二十三

趙氏 適霍士明夫歿無子自縊於柩傍

柳氏 適馮自勉家貧力事紡織凡八年少餘布帛可自給自勉病柳盡出所有延醫治終不瘳自勉與訣柳誓以死從自勉卒既葬沐浴置鏡於懷周身衣密縫自經柩後

張氏 適劉三畧三畧病度不起謂張曰我死奈何張泣曰君且自愛脫不幸妾必從三畧云病死命也爾何死為勉力奉母吾瞑目張曰君有二弟在何憂母吾志決矣遂潛自經姑救之且云爾夫未死何先死張曰姑言是姑待之三畧氣絕張躡躍姑泣曰兒死婦又死奈何我何且爾母無子能不念之乎勸諭百端不應防護甚謹再經不得死稍得間經門外柱上死年三十一

丁氏 許配杜洲洲以救溺而反溺丁聞欲奔喪父母不可整衣履入室潛自經其時盛暑十餘日顏色不變蠅蚋不侵有異香與洲合葬墓上

張氏 幼字郭嵩如四載嵩如病疽毒不能步履其父欲毀盟女曰女子從一而終且郭家郎故在也奈何肯盟父異之不復強及歸嵩如茶然一痿形人也張侍巾栉十餘年嵩如卒自經死事聞旌表覲府

劉氏 幼字王之倚之倚貧朝夕不給人為女憂語及輒蠶蹙不欲聞倚病卒女年十四隨母送喪至墓舉身投其中

絕復甦母強之歸諸姑姨百端解諭弗聽不食十日死巡按御史陳登雲奏聞旌表覲府

段氏 程惟炳妻夫死自經兩院題旌

魏氏 劉源德妻源德卒三日不食自縊

姜淑人 御史張修德妻也闖寇破城姜服命服待死賊入罵之被殺

李恭人 參政杜文煥妻城破墮樓死

王氏 諸生曾其學妻城破自縊死

王氏 進士曾省信妻城破同女及女王珂妻幼甥女登樓自焚死

李恭人 宣府巡撫張維世妻也城破閉樓投環同子正誼死

王氏 同知魏觀颺妻城破罵賊死覃恩贈宜人

王氏 諸生耿於葵妻城破投井折骨罵賊斷舌慘殺死

任氏 進士馮貞吉妻城潰投井夫婦同死

盧氏 舉人郭琰妻城破自殺夫柩前

馮氏 貢士李達妻聞賊至自縊

何氏 國學生郭光妻城破投水死

郭氏 諸生王耀德妻賊至投宅後坑水中死

王氏 國學生曾其量妻城破自縊

席氏 國學生姬履貞妻賊至夫婦不屈同死

王氏 諸生李允庚妻城破自縊邑侯朴

鄭氏 諸生牛泰子光斗妻城破夫婦同縊

鄭氏 李富春妻賊至夫婦被殺

鄭氏 李貴春妻庠生道長女也賊入墜城死

鄭氏 李光縉妻賊至投井死

申氏 朱聯芳妻城破投水死

劉氏 張元善妻罵賊死

徐氏 諸生郭舉興妻城破自縊

郭氏 諸生葉楚秀妻城破自縊

徐氏 庠生張瀾妻城破自縊

孟氏

諸生丁廷榮妻賊至被殺

李氏

諸生張正範妻城破自縊

吳氏

王榮敏妻城破自縊

王氏

諸生張明世妻城破被殺

張氏

諸生王道顯妻城破自縊

王氏

諸生張正物妻城破自縊

葉氏

諸生李慎妻城破自縊

王氏

諸生聶從誨妻賊至自縊

王氏

諸生朱晉泰妻聞賊至母子投水死

劉氏

張濂妻聞賊自縊

郭氏

李新坤妻遇賊死

郭氏

李九成妻遇賊死

鄭氏

萬一傑妻聞賊自縊

張氏

李氏蕃妻遇賊死

李氏

張子縉妻遇賊死

郭氏

張子紳妻遇賊死

陳氏

席貞祚妻聞賊自縊

王氏

諸生張經世妻聞寇至自縊

程氏 諸生張正模妻寇至自殺

任氏 李雲鶴妻遇賊死

張氏 曾約妻聞寇自縊

宋氏 諸生曾省三妻同夫投水死

段氏 諸生張龍翼妻遇賊死

吳氏 諸生曾習孔妻賊至投井死

曾氏 諸生王珂妻城破同女自焚死

曾氏 張壽妻罵賊碎身死

劉氏 郭宜興妻賊至被殺

王氏 郭楠妻賊入城并二子俱自殺

魏氏 申文衡妻賊至被殺

孫氏 諸生李毓秀女賊至被殺

符氏 諸生毛詩章妻城破自縊

王氏 諸生李杜朋妻賊至慘殺死

李氏 諸生李新坤室女罵賊慘殺死

陳氏 諸生陳鳴珂室女罵賊慘殺死

趙氏 雷化鯤妻寇至同夫死

張氏 諸生孔允昌妻城破被殺

朱氏 諸生李調鼎妻城破自縊

李氏 耿明碧之母賊至被殺

符氏 諸生李調元妻城破自縊

曾氏 褚廣恩妻賊至投水死

孔氏 諸生耿觀光妻城破被殺

魏氏 張遐觀妻城破被殺

張氏 諸生王體乾妻城破罵賊死

徐氏 孟來遇妻城破被殺

附論

范史列女不齒徐淑而後世猶得聞之以有他書可攷也

若齊梁諸史無列女傳則無可攷矣舊志載明代貞節甚

多而明史烈女傳中無一太康人乃知前史即作列女傳

其所遺亦不少也若明季之亂婦女與難可知者僅六十

九人其他不知姓名者不可勝記彼身滅而名留其猶不

幸中之幸也夫

舊志載明代節婦烈婦貞女凡八十八人其一門雙節者

四三節者二但不志旌表年世先後之次俱不可考又康

熙初邑令蘇旌明郭知興妻許與妾于守節

丁自修妻喬 孝事翁姑守節教子有司旌其門曰徽流三世

國朝

李氏 年十六適楊天惠時惠已早病李侍藥餌唯謹越五月惠卒李自縊夫側事聞旌表

安氏 適驃騎將軍柳同春隨任江西金聲桓叛被殺事聞旌表

許氏 王世選妻夫故三日自縊死督學道旌以額

張氏 庠生許其蘊妻年十九其蘊病死孤子甫三月撫教成名守節七十年事聞旌表

張氏 庠生丁良卿妻年十八夫病故奉事孀姑撫育幼孤壽九十餘大中丞閔旌以額

李氏 李德俊女字陸士奇未嫁聞夫溺死哭一日至夜投縊死督學道王旌其門

劉一姐 鄉民劉士奇女字李世從未歸而夫歿女聞之悲甚乃偽為和平狀投縊死邑令旌其廬

呂二姐 鄉民呂鳳女年十六有姿色久為奸鄰汪進成所伺一日同父刈麥回留女看守進成持刀逼之抵死不從被殺知縣朴懷寶虔禱城隍有大水洋洋之夢拘同

刈麥者問之至進成忽悟汪與大水相符即指許之戰慄供服汪伏法

呂建坊旌表

李氏 劉楚妻年十六往地採豆有許鐸艷其姿持鎌強逼李哭罵不已以死拒遭慘殺鐸潛歸罔有知者知縣馮千

英焚香告天恍然有得乃密詣屍場嚴飭鄉地查點鄰村牌甲各命脫衣置棺上拊棺高叫李氏者三眾皆無

異忽一人色變聲下舉體戰慄則鐸也一訛而服血鎌現度牀頭詳正其罪撫軍鹿學使劉俱給額示旌祀烈

女祠

張氏 廩生湘女年十七歸儒童徐璠越八載璠應府試病歸遂不起無子張自縊以殉邑令吳旌以額曰烈耀坤維

太守徐曰殉身從一

孫氏 郭卜妻年十九而寡家極貧事繼姑盡孝養年八十卒

張氏 年十八適郭振佑佑三歲父母俱亡叔大珪撫之娶張六年佑卒無子以姪為嗣矢志守貞艱辛備歷事叔父母孝年六十一而終

李氏 庠生張承謙妻年二十九夫歿上事老姑撫二歲孤守節三十一年而終事聞旌表

毛氏 年十八適常自新五載子世傑尚幼自新歿矢志苦守事公姑撫稚子成立年七十餘卒

朱氏 年十八適儒童段光亮三年亮卒無子舅姑年八十餘矢志孝養家貧勤績紡以度日壽九十而終

韓氏 孟其著妻夫歿三日自縊於柩前

段氏 王澤駿妻年二十三夫歿子世棟甫六月服勞茹苦甘旨奉姑教子以義守節歷四十七年

王氏 丹桂女年十八適李文炳姑買暴得時疾百藥莫治王籲天願以身代逾二日病愈篤於是割股進食姑疾遂愈有司各旌以額

孫氏 趙明建妻與耿帝宏居相接耿嗣氏少艾乘其父與夫不在欲汚之氏持鋌捍拒勢急自抹未絕耿以刀斷其鼻尋復以磚塊擊死事聞旌表

范氏 女年十七族人范正月乘其父母在田摘花強逼不從遂殺之而逃捕得伏法以事聞建坊旌表

吳氏 適劉重三家貧夫族劉二小乘家無人強逼不從投繯自縊事聞旌表

魏氏 魏觀雍女年十九適丁同人二十三夫卒無子舅姑老氏怡志承顏極盡孝養及歿哀毀盡禮撫孤姪金嚴而有恩克能成立守節三十七年士民謀為請旌氏聞堅辭曰吾守志豈以博名耶後貞德彌彰事聞建坊旌表

蔣氏 年十九適王助運越二年運卒一子銅僅六月守節事舅姑撫孤成立入邑庠年五十餘卒事聞旌表

張氏 王翼運妻年二十五夫歿矢志撫遺孤未幾孤天復撫嗣子守節三十九年事聞旌表

耿氏 適楊士凱年十九夫故守節五十二年而終事聞旌表

馬氏 適李福隣人孫義乘其夫外出強逼不從投繯自縊事聞旌表

高氏 張雷之妻同村張玉成乘夫傭工寅夜強逼不從自縊事聞旌表

李氏 郭重光妻年二十四夫歿守節撫孤四十二年事聞旌表

周氏 郭習光妻光歿周年二十六守節撫孤四十二年事聞旌表

李氏 庠生張洞妻年二十三洞卒守節撫孤四十年事聞旌表

郭氏 進士郭昌之女適李輔庚年二十二夫歿舅殯在堂姑老病六年不能動履郭侍湯藥晨夕不離姑沒喪盡禮性好義輸銀修學宮輸宅八家祠置祀田贍養窮族助其婚喪乞者棄簪兒收養之為娶妻善行甚多至年六十一事聞旌表

汪氏 王雲之妻夫故汪年二十三子邦棟四歲遺腹子者棟撫以成立教者棟登進士任東安知縣守節五十一年事聞旌表

黃氏 適賈梅夫故黃年二十八孀姑焦臥病不起割股以進病即愈子未滿歲撫之成立邑令旌其廬

趙氏 李言貴妻年二十二姑臥病久不得痊暗割左股以食即愈邑令旌以額

陳氏 庠生張世沐副室沐晚年生子大本甫七歲沐卒陳年二十八囑曰張氏兩世止此子爾善撫之勿致乏嗣陳勤織紡子成立列成均守節歷四十六年

劉氏 縣丞知經女年十九歸廩生王元文五載夫歿孝事舅姑教子成立年逾六十鄉黨稱之

劉氏 庠生王濬妻年二十八而寡無子以姪為嗣矢志守貞年七十而終事聞旌表

李氏 年十九歸朱裕義四載夫歿遺腹生男未幾姑失明翁患癱侍奉湯藥賴以安全者十有餘年撫孤授室苦節

歷三十七年 邑令旌其門

王氏 商景星妻年二十夫歿守節奉翁姑撫姪成嗣三十七載事聞旌表

張氏 田協妻年二十八夫亡事舅姑撫幼孤孝慈兼備子列成均苦節五十餘年學使張邑令吳俱表其門

姜氏 一載夫死翁姑泣告曰吾子已歿汝年過幼難為汝強但老夫婦與此血孤未知死所矣姜痛哭曰兒不忍從

夫地下正以此倘有疑立自刃以白翁姑急止之不復言矢志孝養生死盡禮撫

孤教以義方歷四十四年

孫氏 年十八歸吳可立逾歲夫歿無子姑先亡翁患足疾號泣欲死孫曰兒在即子在也家貧甚傭工乞食以給朝夕二十餘載翁亡哀告隣里斂財製棺埋

塋訖曰事既畢當下見吾夫矣遂自縊

辛氏 正澤潤妻年二十三夫歿有二子事翁姑盡禮撫孤成立守節及抱孫歷三十餘年

王氏 李元秀妻歸三月夫亡子身矢志或勸曰徒自苦耳正色拒之守瘠田數畝晝夜耕織年歷七十家業漸廣以族子為嗣

及抱孫焉

時應瑞 應奇胞兄弟也瑞妻王鍾禹之女年二十生一子夫歿奇娶於王服德亦生一子而死妻年二十三王亦族姊妹同志守節撫孤年皆

至六十餘咸稱一門雙節云

張氏 李世福妻年二十夫歿翁姑皆逾七旬以節孝著歷三十五年

席氏 段光度妻年二十六夫歿潛自縊家人覺救之翁姑泣曰汝死二老誰依二孤誰撫曷延段氏脉乎遂矢志事舅姑撫孤家素貧紡織以給備

嘗辛若壽八十五以完節終

張氏 李棋妻年十八夫歿孝事舅姑遺腹生男文炷撫以成立授室六載子維嶠甫三月而炷死媳某氏矢志撫孤

能繼其姑焉

段氏 張梓妻年二十一夫故遺子數月姑老家貧甚紡織供養遇歲凶艱苦備嘗守節四十餘年

祝氏 王百猷妻年十九夫亡守節撫孤壽九十七而終邑令馮旌其門曰淑德常新

李氏 郭漢欽妻年十九夫歿無子守節奉孀姑撫姪為嗣壽八十四而終邑令吳旌其門曰孝貞耆壽

鄭氏 牛化龍妻年二十一夫歿守節事衰姑撫幼子辛苦備嘗壽八十一而終邑令吳以節孝堪型獎其門

王氏 李之敬妻年二十二夫亡矢志奉公姑年七十八而終學使張表其門曰勁節凌霜

王氏 庠生梁棟妻年二十七夫歿矢志事姑撫孤七十五而終學使張邑令張旌其門

李氏 適世傑年二十四夫歿遺腹生子祥孝事翁姑教子入邑庠年七十四而終邑令吳旌其門曰孝節可風

胡氏 庠生天一女適同庠劉永湛年二十七夫歿守節奉姑撫三子成立子致入邑庠年八十而卒

劉氏 庠生尚執信叔母貞節符例學使張旌以額

高氏 年十五適馬自成越七載夫歿遺孤三長述孔次述賢次述曾氏矢志事翁姑六十一而終述孔受室二載亦卒無子妻高氏年二十事姑盡孝養述曾妻吳氏年六結縞數月曾故俱守貞三十餘年學使張旌其廬曰

一門 三節

曾氏 年二十適郭治萬二載治萬故自縊而死邑令李旌曰香閨正氣

焦氏 劉世順妻年二十七夫歿遺腹生子亦天舅姑因哭子病臥調護寬慰姑竟不趨舅八十餘乃卒喪葬盡禮撫姪錦為嗣年六十

五而終事聞旌表

莊氏 監生張銓母年二十一夫歿事翁姑撫孤守節歷三十餘年

陳氏 監生李對母年二十八夫歿矢志事姑二十一年撫孤三十年學使張邑令吳俱旌以額

韓氏 王鍾岩妻年二十四夫故事上撫下孝慈並著守節四十四年而終

施氏 翁承斌妻年十八孀居苦節歷四十二年學使張旌以額日閨中潛德

師門四節婦 長國華娶王氏州同王鑑女歸七年而國華死王年二十四奉翁姑撫幼子崗嶺授室未二載

嶺亦歿媳雷氏年十八一女歲未過事王盡孝王守貞至六十七而終雷亦二十餘年矣季維書娶盧氏庠生

盧浩女年二十五夫歿遺子四歲亦天撫夫姪將婚又卒盧終年六十二次繼書先娶王進士朴之姊繼配萬

氏結縈一載繼書死無子萬年二十二翁庠生師賓憐其幼勸從權誓死不二翁嘉之文舉嗣焉萬守節歷三十五年四節

萃於一門 許氏 庠生龍圖女適同庠袁珂年二十五夫歿無子取姪為嗣守節歷四十三年學使旌以額日清操凌霜

楊氏 萬嘉賓妻結縈五載夫亡子僅彌月家貧紡織以事姑翁課子成立邑令朴旌其門曰荻影雙清壽九十而終

趙氏 史羽皇妻年二十八夫故遺孤萬齡方週歲笑笑獨立守節四十四年邑令張旌其廬曰共妻姪美

李氏 年十七適張坦七載夫歿守節事翁姑守節七十六而終邑令李旌其門

劉氏 年十八適王昌運四載夫歿矢志教子鍾奇中癸酉鄉試娶張氏年二十六鍾奇卒張自縊侍婢救免姑泣曰

爾死遺孤誰撫張遵命姑媳共室秉志全貞學憲張旌其門曰巾幗楷模

陳氏 賈瑞文妻年二十八夫歿守節事翁姑撫遺孤壽八十五而終

樂氏 楊作禎妻年十九夫歿守節事翁姑歷五十六年

蘇氏 浙江副使許重華側室重華卒蘇年十九教子維欽成名仕樂昌令奉嫡室楊存歿如一年七十四守節而終

軒氏 邵璿妻年二十九夫歿家貧孝事翁姑教子入邑庠守節歷三十四年

邵氏 郭維坊妻年二十六夫死矢志事姑姑年八十臥病二載侍湯藥晝夜不倦及歿哀毀骨立亦病卒時年五十六

邑令馮以節孝流芳旌其閭

吳氏

程郭之妻年二十六夫歿自經者三家人救免乃紡織奉養撫遺孤艱苦備嘗歷三十三年

汪氏

王鍾朴妻年二十夫死遺腹生男紡織事翁姑撫孤成立守節歷四十年

張氏

年十六適李林二年夫卒遺腹生男文煌家貧紡織事姑煌後生子維勤亦旋歿媳張氏與姑同衾臥起教子成立聞者無不欽嘯

其節操之感人如此

呂氏

年十八適尙獻道夫貿易江湖姑多病不飲食割股療之及姑歿夫亦死撫孤成立苦節四十餘年而終學使

潘以純孝堅貞旌其門

劉氏

適尙獻年二十而寡矢志撫孤年五十八而卒學使張旌其間曰苦節流芳

監生王燕

曾祖母袁祖母王王璘母劉并茹槩全貞有司屢旌以額

李氏

年十八適李茂才逾二年茂才兄嫂俱亡姪有良始二歲李撫之次年茂才亦歿姑鄧年老家貧紡織以供

丁十餘載有良成立甫投室姑又歿哀毀營墓又有良生子其觀李喜曰伯氏有孫姑心慰矣未三歲良出質

易遂不返又與媳張氏撫孤孫年五十八以疾終督學旌其門曰節姪松筠

全姐

鄉民李季天次女同里陸奉懷踴爲子婦年十五大水陸子溺死聞訃大慟其姊曰爾識夫面耶全姐乃言笑

如常飯後納舊衣於盆作洗滌狀至晚自縊數日縣令朴往察顏色如生督學表其墓碑記之

李氏

年十九適張鐸家貧日不聊生結縈五月鐸暴卒欲以身殉翁姑泣曰爾死吾老人何恃氏乃矢志奉養盡孝

歷三十年邑令馮旌以額曰巾幗全人後夫弟生子撫爲嗣時年八十有四

朱氏

王之俊妻年二十九夫歿撫遺腹子宣事孀姑艱苦備嘗後有五孫壽九十六乃終邑令題其門曰風勁天長

祝氏

庠生昌裔女數齡賦性幽靜父異之授列女傳不勝咨嗟年十九歸王聯鄉二十九夫歿誓同死痛哭仆地甦

而悔曰吾誤矣空子幼翁老無子誰奉養者乃矢志撫孤孝慈兼著孤稍長教子學夜課讀旁坐織紡徹雞

鳴後子樵士補邑庠儒學李題
其間曰光垂彤管歷五十二年

焦氏

萬天藩妻年二十一子方彌月夫歿矢志奉孀姑同寢
食撫孤子振福至十七娶張氏越一載生子亦彌月而
振福歿張刺面毀顏欲從死焦慰諭同撫其孫思恭十
六娶子吳亦僅越一載生子七日思恭又亡焦與媳又
撫其曾孫後老姑賴焦姑媳年九十以壽終殯盡禮
焦於雍正八年卒年七十六張亦七十矣焦既撫三世
藐孤張復勵五十餘年苦節故老言及莫不稱嘆

陳氏

張瓚母年二十六夫歿奉翁姑盡
孝撫二歲子成立守節三十五年

吳氏

庠生軒從德妻年二十六夫歿守節教子玉
麟亦補邑庠歷五十餘年學使林表其門

李氏

適庠生朱晦年二十三夫歿矢志
守節事翁姑撫孤七十餘而終

張氏

陳文智妻年二十三夫歿
矢志撫孤歷三十八年

梁氏

楊基母年二十守節撫
嗣子時歷四十餘年

席氏

楊世魁妻年二十一世魁歿孝事夫祖母暨舅姑撫孤
成立自甘茹素遇貧難有吉凶事者每捐資以助守節
歷五十九年

鄭氏

賈貴母年二十撫
孤守節六十餘年

李氏

姚瓚妻年二十七夫歿守志奉孀姑撫孤子
成立有孫四長李俱列庠序壽八十一而終

張氏

劉懷妻年十九而寡矢志事翁姑翁病篤割股和藥得
愈撫姪士良為嗣邑令張表其門曰節孝流輝年六十
九而終

姜氏

劉鳳桐妻年二十七夫歿有一子二女家貧紡織撫子
志才成立娶媳馮結縉七載志才故馮年二十三亦生
一子二女姑媳同心以撫其孤督學張旌之

毛氏 孫廷綸妻年未三旬夫故止一女家貧不足餬口母女紡織度日守節四十餘年學使張以苦節堪風表其廬

陳氏 劉大昇妻年二十二夫歿守節奉翁姑撫嗣子歷二十七年

馮氏 劉照妻年二十三夫歿無子矢志事舅歷四十六年

王氏 年二十適劉慨三載夫亡遺子土和未週歲姑老且瞽奉養以孝聞教子成立學使張表其門年七十二

李氏 庠生姜駱妻年二十八夫歿守節撫姪為嗣事翁姑孝歷四十九年

張氏 庠生單淵妻年二十四夫亡遺孤三歲孝事翁姑苦節六十餘年學使林以坤貞永譽表其門

陳氏 庠生張延蘭妻年二十二夫歿守節紡織事舅歷四十年

祝氏 監生姜岑妻年二十二夫亡與孀姪同居二十餘年無間言姪卒孀葬以禮鄉里稱賢守節五十五年

何氏 李慎妻年二十二夫亡無子有七旬老姑且久病不能起奉事以孝聞撫從姪為嗣守節五十二年

張氏 張軌妻年二十六而寡守節撫孤督學旌之時歷五十四年

程氏 姜重光妻年二十六夫歿守節撫孤姑老病十年不能動履奉侍盡道歲荒買二婢聞已許字皆還其父佃人貧夫婦不能完娶出私囊助其婚賢孝皆足多云

單氏 李松妻年二十一夫死無子事舅姑孝撫姪為嗣守節歷三十年

沙氏 適李禎年二十七夫歿舅老幼事育盡道守節歷三十六年

劉氏 姜文匡妻年二十七夫歿翁姑衰老二子幼穉養殮不給孝慈兼著苦節歷五十一載學使張旌其門

劉氏 適馬存義年二十三夫亡守節事舅姑撫孤歷三十六年

張氏 冠明道妻年二十二而寡家貧紡織以奉翁姑撫孤子成惠既長娶媳張氏五載惠亦死姑媳形影相弔撫孫成立時姑年八十一媳亦六旬冰霜之操老而彌篤鄉里欲舉節孝張力辭止之

郭氏 張之斌妻年二十二而寡家計零落親老子幼力勤紡織孝慈兼盡苦節四十年

張氏 張文英妻年十八夫歿遺孤僅數月煢煢子立家業蕭條冰操愈勵年七十五而終其子已近六旬諸孫滿目焉

王氏 郭義興嗣母年二十六守節奉翁姑時歷三十一年

石氏 適庠生龔振國年二十七夫歿守節事舅姑撫孤歷五十二年學憲潘以筠節芳徽旌其門

李氏 適龔樂國年二十九夫歿事孀姑盡孝守節撫孤時歷五十八年

譚氏 適趙鳴岐年二十七夫歿守節五十四年

王氏 宋緯妻年二十八夫歿無子以姪為嗣守節五十五年而終邑令旌其門

盧氏 馮上秀妻年十九夫故無子姑張氏孀居奉養不怠盧年六十四姑年八十有三

許氏 石玉琚妻年十八夫亡無子事二親代子職苦節三十二年

郝氏 程之魁妻二十二夫歿矢志奉老姑撫幼子時歷三十九年

馮氏 年十九適程大本一載夫歿舅年六十七病廢在床矢志孝養飲食未進已雖饑不忍食也舅八十九壽終殯葬盡禮節孝兩全云

劉氏 程大禮妻年二十二守志撫孤子之端既長娶周氏三載子立方僅二歲端復故周年二十三冰雪自勵孝事孀姑劉七十八以節終周經營殯葬稱節孝焉

邵氏 李璘妻年二十夫歿一子僅三月立志撫孤衣食無資代人紡織備歷艱苦至六十五無病而終人咸異之

田氏 張崇厚妻年二十夫歿無兄弟一子興魯方歲餘家貧紡織奉翁姑守節六十二年

李氏 朱柏妻年二十二夫歿守節撫孤翁姑俱病禱於天減已壽益翁姑果愈二子成立守節三十七年而卒

程氏 葉學妻年二十二夫歿無子姑欲令改適誓言不可事孀
姑生死盡禮撫姪思聰承祧及長娶媳張氏二載思聰又
歿張復矢志姑媳共
守苦節垂數十年

雷氏 庠生盧士驥妻年二十九夫歿遺孤幼穉姑
亦孀居奉姑教子歷三十三年事聞旌表

黃氏 庠生郭光謨妻夫歿氏年二十七
矢志守節歷三十三年事聞旌表

郭氏 盧浩妻浩歿氏年二十五撫養三
子皆成立苦節五十年事聞旌表

蔣氏 適監生耿存訥年二十一夫故子僅三
月事翁姑撫孤以慈孝著事聞旌表

徐氏 董成文妻年二十三夫歿遺子彪
僅二齡撫之成立守節四十四年

許氏 王允恭妻年二十一夫亡無子亦無期功親翁
年七十孝養盡道祭墓如禮守節三十二年

孔氏 王珣妻年二十四夫歿獨幼叔案甫十歲孔
竭力耕桑撫之成立鄉里稱賢守節四十年

程氏 適李育珍年十九而寡孝事
翁姑撫嗣子守節三十四年

婁氏 王永福妻年二十夫亡守節孝事
翁姑撫嗣子周棟歷三十一年

楊氏 年十七歸王鏞歲餘夫歿遺腹生子孝事翁姑家貧徹
夜紡織忍饑寒以奉堂上勤苦二十餘年翁先逝力未
能葬日撫棺痛泣越五載姑卒家計稍裕乃卜
塋合葬焉撫孤授室置產成家守節四十五年

張氏 劉玢妻年二十六夫歿翁姑老矢志孝養及翁姑繼
逝殯葬後遂自縊而死邑令馮旌其門曰從容全節

王氏 趙鵬妻年二十五夫歿遺子五月舅已老
家貧甚事翁盡孝苦節撫孤四十一年

史氏 曾子述妻年二十八夫歿
守節事翁姑歷三十四年

王氏 適庠生張有造年二十六而寡遺孤元宰甫三月孝事
孀姑撫孤成立夫族弟國倫孤苦無依爲之娶妻給以

田宅族侄元相貧甚與田百五十畝鄰里吉凶
布粟之資未嘗稍惜守節五十四年事聞旌表

賈氏

劉理泰妻年二十五夫故七日不食屢欲自盡防守稍懈即持利刃閉門家人急救門不得開姑楊氏奔號門旁賈乃與姑相抱大哭曰吾懷刃從夫今見姑哀痛死反不忍且與其為夫殉節孰與為姑盡孝於是扶姑入房孝侍終老撫姪鑑為嗣

孫氏

周廣德妻年二十夫歿一子甫四月絕粒三日翁姑諭之日門無次一衰老何依遺孤四月周氏止此一豚尤當加意撫育乃扶病強起事高堂

劉氏

潘世貴妻家貧歲荒艱苦萬狀姑李患病久臥床褥默禱願以身代割股和湯姑食之病愈又二十年壽九十三始歿人稱孝心所感

楊氏

姜本健妻翁溥病幾死百法不愈割股包麵食之即愈鄉里稱孝欲舉其事本健夫婦不許後八十一終

劉氏

龔某妻年十七夫祖龔昌八十餘染疾醫弗能治劉割股肉食之至旦即愈家人莫解數日祖姑及姑窺劉無

張氏

牛輔世妻克盡婦道姑病幾死焚香懇祝願以身代是夜姑寢神告曰汝命當絕為媳至孝假汝五年後五年果歿既葬刻木朝夕事之

張氏

顧敦智妻夫傭工晨出夫兄敦義潛入其室欲行無禮張驚覺號晉義奔逸叔姑袁赴勸管歸哭訴勸之不從於夜自縊敦義伏法事聞旌表

王氏

年十七適張太典二載夫亡一子方五月殷勤撫子守節二十餘載子浚成立授室焉

許氏

李凝秀妻年二十夫亡子彭僅月餘撫養成立守節二十四年

韓氏

董德修妻年二十夫亡子士皇僅七月撫養成立守節十一年

李氏

李增魁妻夫歿家極貧能孝其姑姑久病不起乾隆七年姑偶思肉食李痛其無錢購買割股肉入餽飪中進

於姑姑食之隨愈

劉氏

鄭永泰妻侍祖姑病朝不離久之不愈潛割股作食以進其病立瘥社見

李氏

蘇映魁妻年二十二夫亡更無兄弟親老子幼槩苦冰寒完貞百歲以節孝上壽建坊旌表

楊氏

年十八適馮大成二十五夫故無子楊勺水不入口者三日親族勸翁老無所依乃不死歷三十四年建坊旌表

孫氏

王文明妻年二十三夫故紡織奉翁姑姑歿遺幼子孫撫之成立生子應祥為夫嗣守節四十年建坊旌表

江氏

鄭西廣妻夫歿與姑姑相依為命夫族弟鄭年乘間侵逼江罵之遁去白其事於姑遂自縊年伏辜事聞建坊旌表

汪氏

程榮妻夫表舅劉運居同村乘榮出欲侵之汪詈罵不從運弟婦張聞之罵運運殺汪並殺張事聞運伏辜建坊旌表

坊旌表

焦氏

適庠生孫有訓七載夫故事翁姑撫育嗣子三十八年事聞建坊旌表

汪氏

王士妻夫故事孀姑撫幼子苦志三十餘年事請題旌

郭氏

庠生李鴻普妻明孝廉司李郭明與女年十三歸李二十三日夫故奉親守志其孀姑歿於難氏思之刺臂出血和屑為像以祀事聞旌表

祀事聞旌表

劉氏

適舉人賈敞夫故遺孤七人劉紡織自給課子讀書四子補邑庠一子登薦年九十五卒撫按遞加旌表

張氏

適王懿德四載夫歿張慟絕者再事翁孝撫嗣子舒有文名孫恭白入庠守節五十餘年學使張旌以苦節全貞

李氏

信維宗妻年二十四夫故遺孤信朴撫之成立矢志四十餘年學憲以完節全祧旌其門

李氏 武生劉興周祖母也青年矢志歷三十五年現年六十二歲學憲張以筠節不周旌其門

郭氏 郭大品女年十六歸張集未期夫故無子家貧孝養孀姑歲大饑有勸以他適者郭曰改節不義棄親不孝在審所處耳力作供養自磨糠糲

里人嘉其節孝督學給額示旌

石氏 庠生石英品女適同庠王賁季子淳淳有家難偕氏倚外家石勤織紡凡七年而淳亡時年二十七姊嫂察其

有死志慰以遺腹焉知非男殉夫不如存嗣之大乃不死踰月果生男脩極艱辛撫子成立歷四十六年督學

張旌其門曰金石同堅

楊氏 適庠生王訥訥卒氏年二十七子惟能五歲孝事翁姑訓子補府庠授例入成均年七十一卒學院林旌以懿

德昭垂

李氏 崇安知縣張法棧季子瑛妻年十七適張二十夫故舅姑年俱高姑復失明動須扶持李紡織供養三十年及

卒殯葬以禮學院張表其墓曰貞德垂芳

范氏 王棟選妻年二十五夫故孝事公姑教子讀書能文督學旌其門曰葆真全孝

王氏 李以臨妻夫故奉親撫孤孝慈兩盡督學旌之曰撫孤完節

劉氏 睢州舉人劉質姊年十八歸王錕越六載夫故遺孤滋甫二歲姑孀氏奉以慈可歷三十五年督學旌其門曰志

堅如

黃氏 年十七適李燾二十六夫故遺三子翁姑皆早逝奉祖姑李麗二氏養生送死無不盡禮守節終身督學旌之

曰閨閣清風

沈氏 李亭旭妻年十六歸李子三載夫故守節三十餘年督學張旌其門曰節比松筠

王氏 李之杜妻年二十二夫故守節四十餘年督學旌之曰心同皎日

尙氏 李以聘妻年二十二夫故守節三十餘年督學以巾幗休風旌之

許氏 年十八歸張照三年夫故無次丁奉翁姑以守家貧紡織以給飲食歷三十四年學使寶旌其門曰壹範流徽

朱氏 監生顧種玉之母年二十八夫歿節凜冰霜年九十有七學使蔡以勸節遐齡旌其廬

宋氏 王澤廣妻年二十二夫故姑老遺孤未離襁褓矢志堅貞紡織以奉苦節六十餘年督學以節孝可嘉旌之

胡氏 何澄妻年二十一夫故撫孤圭錫成立娶李氏生五子圭錫復歿時李年二十七姑媳同志苦守各七十餘年督學以淑範清芬旌之

王氏 韓紹義妻烈士魏孫婦也年十八歸韓五載夫故苦節四十餘年督學以葆翠貽芳旌其門

王氏 韓一繼妻年二十二夫故奉翁姑生事死盡心盡禮撫嗣子如已出艱辛脩嘗守節六十年督學林以蘭蘭正氣旌之

柳氏 劉福江母年二十八而寡守節四十五年督學旌之曰義振中閨

軒氏 適劉克禮夫故守節四十餘年督學張以篤義全操旌之

李氏 適劉可治夫故守節三十五年督學張題其門曰節不彫

王氏 劉士和母年二十五夫憾病故完貞三十二年學使張旌之曰媲美梁媛

崔氏 李世業妻年二十一夫故無子慘不欲生媾母白勸曰汝舅姑在堂汝死誰依我有叔以緩俟其成立兩門可不絕盡共撫之遂同撫成成立為娶妻生二子以綬復故氏與白同心撫其遺孤歷三十九年學憲張以節孝兼貞旌其廬

陳氏 庠生王源深妻年二十八夫故遺孤在襁褓媾姑在堂以養以育孝慈並著守節五十八年現年八十二歲學使孫旌其門曰栢荻流芳

列女

郭氏 年十九適監生馬易八載夫故守節三十四年督學孫旌之曰勁節幽芳

李氏 諸生李黃起女適張應遴二年夫故守節不渝姑老家貧拮据奉事八十而卒督學張表之曰心盟金石

王氏 李瑣母姑病且危割股及進姑病旋愈臬司盧表其門曰女中懿行

寶氏 劉建昌妻夫故越二日乘間投繯以殉及殮顏色如生紳士以聞邑令旌其門

李氏 尙志之女年十七歸張坦越七載夫故事公姑奉養無缺喪葬以禮前邑令李以操並松筠旌其門

萬氏 王公士妻夫病侍湯藥不暫離比歿自經以殉邑令張旌其門曰閨閣成仁

閻氏 朱國光妻夫故守節三十五年邑令孔旌之曰節堪冰霜

李氏 任可顯妻李純善女年二十五夫故遺孤三歲上無翁姑家且貧辛勤紡織拾遺棄以自給苦節六十五年邑令張旌其門

高氏 十六適趙彥德二年夫故勤紡織孝事孀姑撫子繼等三人耕讀兼勤壽八十五歲乾隆二年邑令張旌之曰白首完操

張氏 梁宗妻年二十二夫故遺子女各一氏辛勤撫育均

王氏 適監生郭廷柱十五年夫故晝夜號泣經營葬事竣乘隙操繯以殉邑令張旌以從容就義表其廬

董氏 年十八適柳梁棟二十五夫故二子俱幼矢志事舅姑撫孤成立年八十二而終邑令吳旌之曰勁節高年

孫氏 陳秉貞繼室也年二十八夫故子三歲守貞撫孤教之成立入邑庠歷四十五年邑令宋旌之曰困範儀世

袁氏 年十七適庠生王學數載夫卒遺孤大猷尙在捉抱撫育成成立娶汪氏四載生一女方週歲大猷又死姑媳共守一孤袁卒汪哀毀盡禮教子以義里人稱

汪氏 為孝婦嚴母邑令朴旌其門曰一門雙節

汪氏 王村妻歸三載梓故遺孤週歲撫之成立四十餘年邑令劉額旌其門

李氏

王德貴妻適王二載夫故自經邑合馮旌以巾幗完人

張氏

庠生魏光陸側室年二十一夫歿紡績度口苦節四十餘年邑令趙以矢志冰清旌之

曹氏

貢生趙三畏妻年二十七夫故子金甌甫四月家貧勤紡織課子讀書入邑庠堅貞五十餘年邑令胡表其門

節曰貞

許氏

年十九適李綱未五月夫卒舅姑憐其幼勸令暫歸母家許以死誓家人防之乃強為言笑午後以羹奉舅姑

潛經於柩前邑令旌其烈

鄭淑人者

泉司柳國勲繼室也秉性貞淑識大體歸柳隨宦南北內佐稱賢及勲歸里年暮病危醫藥不效鄭

乃禱天願以身代先是其姑朱其妣王俱嘗割股療翁姑鄭以夫與翁姑同義遂與翁姑主前虔禱割股以進夫病果廖鄭亦無恙宗黨稱之邑令宋旌以敬順專一

烈婦張拱妻

幼為父母所拋棄不自知姓氏鎮江柳太守收養之長配拱王二窺其獨居持刀強逼之堅拒

叫罵王怒斫其肢體罵愈厲割其腹死人覺爭捕之王二自殺太守嘉其貞烈為刻石

李氏

鄭萬傑妻年二十二夫故撫遺腹子守貞不渝傑弟萬哲亦早卒妻王氏子方一歲與李同志相勉拮据經營

共度貧乏及營葬翁姑後二氏不忍分爨各教其子俾其成立邑令宋表其間曰異苦同芳

劉氏

適陳德玉二年而夫故子幼翁老不忍死翁病醫治不痊氏焚香願以身代割股食之旋愈邑令旌其門

李氏

信可宗妻姑董病胃醫藥不效勢危氏割股進遂愈邑令懸額示旌

劉氏

程自生妻結褵一載夫故撫遺腹子翁病幾死割股和羹以進邑令旌其門

李氏

年十六適吳宗孔逾年而夫卒無子撫姪為嗣奉舅姑盡禮鄉里賢之邑令懸額示旌

常氏

適張印良年二十九而寡守節四十餘年邑令表其門曰操同冰雪

任氏

何康民妻二十夫故撫孤至授室復死姑媳相依歷四十年族人重其貞節邑令旌之

陳氏

李樾妻年十九歸李夫故遺孤甫週歲繼姑年老孝事維勤教子成立守節三十餘年邑令旌其門

王氏

榮篁女年十八歸程自勉生子圖馬甫週歲而夫死撫孤成立娶媳李氏生二孫而子又死姑媳躬織紡操井日撫兩孫成立王壽八十而終

王氏

謝昌之母年二十二夫故撫孤守志五十五年邑令懸額示旌

孔氏

適李俊章四年而夫卒遺孤在抱親老無依矢志撫嗣成立授室生孫而子又死姑媳共撫弱孫壽八十七苦節六十餘年邑令旌之

張氏

張夢學妻年二十五夫卒親老子幼無可依託勵絕復甦舅姑苦勸之始自念曰夫死無兄弟老幼胥賴我獨不可為其難者乎守節四十餘年邑令旌以培池冰雪

馮氏

適張崇秀夫故矢死夫弟崇俊妻陳素著賢孝勸以翁老且病不可以重傷危之翁病益篤醫藥無效陳割股以進疾旋瘳馮感其意含淚許共

李氏

郭起鳳妻二十九夫故姑年八旬二子俱幼家貧甚氏紡織供甘旨姑病親嘗湯藥衣不解帶者四十餘日及姑歿呼天號泣死而復甦者再

王氏

適張仁四年而夫故氏念舅姑老且無他靠含悲忍死以婦代子職者三十五年舅姑卒竭力營殯撫族子為嗣邑令旌之

程氏

年十六適劉秉樞至二十三而寡舅姑病廢遺孤復患痞疾苦志堅貞三十九年而卒邑令旌以額

曹氏

谷生蕙妻蕙卒氏年二十一無子撫繼子文煥成立事舅姑生養死葬如禮矢志四十九年

許氏

劉涵妻年十九夫故歷守三十餘年邑令獎以節凜冰霜

孫氏 劉希印妻年十八生子志誠甫七月印病故事老撫幼姑病割股進療年七十卒邑令給額示旌

谷氏 袁碧妻夫卒氏年十九奉老撫幼舅姑歿殯墓如禮年七十八里人請額示旌

辛氏 丁欣妻丁五世同居辛與妯娌無間言夫故取夫弟修之子復禮為嗣未幾修亦卒其妻馮氏亦相繼死撫遺孤如已出堅守

三十二年邑令旌之

孔氏 適張克賢年二十八子子雅尚幼翁姑衰老苦志守節子入邑庠歷三十餘年邑令獎以冰心鐵骨

王氏 岸生麟定女年十八歸劉世昌三載而夫故家貧翁姑在殯遺子尚襁褓王竭力營葬撫孤成立苦節六十餘年

高氏 程武龍妻夫故撫孤可遇成立娶趙氏高病醫藥罔效趙割股啖之旋愈高守節五十餘年邑令並旌之曰節孝堪型

何氏 葛姓婦翁病久不痊割股以進沉痼立起邑令以節孝可嘉旌之

王氏 監生耿存久妻夫故家貧親老賴氏得全守志三十餘年

楊氏 張培妻夫故無子孝奉孀姑苦節三十年

劉氏 年十七適龔起文夫祖病劇劉割股以進及旦病愈家人怪劉無病而色黃問之不言發視削肉至骨痕潤三寸餘

王氏 楊瑗妻姑病危祈以身代復割股和藥以進姑遂愈王亦無恙邑令旌其門

張氏 李如阜兒婦年二十四夫故誓死姑防之密後稍踈遂自縊里民表其事邑令旌之

張氏 李培吉妻夫故舅老姑失明遺女三歲家貧堅志苦守歷四十年邑令給額示旌

曹氏 郭仁乾妻于歸十載夫死奉姑撫孤貞守四十二年邑令旌其門

劉氏 適李學三載夫故年二十三公姑老遺孤二歲家極貧劉守志五十餘年邑令旌其門

高氏 適宗煥未五月夫故有遺腹矢志守節撫子成立歷四十餘年邑令給旌額

施氏 年十六適王中元逾年夫故孝奉祖父與舅姑歷二十八年邑令懸額示旌

蘓氏 張永康嗣母夫早喪家貧公姑年老孝事終身以節孝稱

王氏 國子監典簿王世佑女年十八歸汪濬二歲夫故奉翁姑盡孝鄉里稱之

孫氏 張雲路母歸張八載夫故守節撫孤三十餘年邑令旌之

劉氏 趙建中母歸三載夫歿遺孤甫週歲撫育成立三十二年邑令給額示旌

曹氏 王澤潤妻夫故奉舅姑以孝稱苦節三十五年邑令旌之

徐氏 韋起鰲妻夫故撫遺腹子世禮娶于氏生男女各一世禮卒孤亦夭姑媳守志各三十餘年

袁氏 鄭履瑜妻夫故守節三十二年

鄭氏 增生王郇妻夫故遺孤二人撫之成立長克廣貢生遂平縣訓導次克任邑庠生里黨稱之

李氏 年二十適苗應培越六年夫病革誓死舅姑防之密每寢必令人伴之二十餘日復乘間自縊

吳氏 年十七適李以正夫故遺一女翁姑老家貧紡織供養及卒竭力營葬苦節三十三年

楊氏 庠生耿耿繼室年二十五夫故無所出撫前妻子如已出苦節五十三年

許氏 程秉仁妻年十八夫故茹荼守志三十六年卒

郭氏 耿應武妻事姑以孝聞姑病嘗食肉郭割股以進病愈邑人表其孝事邑令旌之

翁氏 適劉坦越三載夫故事舅姑養華無缺禮苦節三十四年

李氏 年十九適耿帝業夫故有遺腹生子養禮撫育成立苦節四十六年壽七十二卒

張氏

萬上妻年二十五夫故有遺腹不克殉
矢志守貞五十餘年邑令給額示旌

李氏

主棟儒妻年二十九歸至三十五夫
故守節三十餘年邑令給額示旌

馮氏

富平縣知縣馮貞吉女年十九適王旬二十六歲夫故
遺孤叶夢幼弱翁姑衰老孝慈兼盡雙親克享大年叶

夢著馨庠序現
年七十有四

王氏

南河縣知縣王謙妹年十六歸郭基址四載夫故遺腹
子未週歲而夫念姑衰老死無以奉矢志苦節歷三十

年七

劉氏

馬有之母夫故年三十五奉舅姑撫
孤以守節三十餘年現年六十有一

張氏

王洪運妻年十八歸王七載夫
故事親撫孤歷節五十餘年

楊氏

郭金鎔妻歸三載夫故截髮誓守夫弟金鍾娶李氏三
載鍾亦死李曰嫂妻之於武也遂相與偕守姑早逝夫

幼弟志古楊撫之娶張氏三年弗育楊謀于翁為納姑
姜氏張與姜各舉一子以張子廷幹嗣楊以姜子廷獻
嗣李未幾張及志古相繼歿姜勵絕再四垢面骨立以
守廷幹娶王氏育一女而廷幹又死王奉楊及姜終始
無失禮計守節三十二年
時人謂郭氏一門四節

宋氏

王九崇妻年十七歸王二載夫故奉親撫孤
以孝慈稱現年五十有三苦守已三十四年

尙氏

劉琰妻結縵九月夫故撫
姪時泰為嗣苦節終身

王氏

李豹妻歸三載夫故舅姑年俱老無別子氏托親族勸
翁納妾生子國良氏撫之成立稱孝嫂焉苦節四十八

年

尙氏

李之傑妻夫歿撫孤于川娶劉氏越三載坦復歿姑媳
矢志撫孫居恭以綿李嗣尙歷四十餘年劉計三十一

年

鄭氏 庠生鄭履昇女適王崇儒六年夫故嗣子隨判乾州氏留以奉姑值歲荒人多饑死氏拮据奉養姑賴以存鄉里嘉其苦節尤重純孝焉

張氏 年十六歸焦璽璽卒誓以死殉舅姑防之密乃強為歡笑歸寧於家迨返言笑自若防者稍懈遂自縊

劉氏 王克聖妻三載夫故孀姑老病不能動履夫弟克謀甫十歲撫之成立娶僉事郭孫女越八載克謀復故郭慟毀投繯遺孤牽衣號泣劉復勸以共相

劉氏 鹿邑庠生淳之女適郭榮萬三載夫故遺孤岱岫甫一歲奉姑守志三十餘年岱岫歿撫孫承桃現年六十四歲

汪氏 王澤賢妻十六歸王十八而夫故遺腹生子撫之以守歷年五十

樊氏 魏晉衡妻年十七歸晉衡晉衡素有痼疾及歿氏以孀姑待養截髮誓守苦節五十年邑人稱之

馮氏 魏伯衡妻年十六歸魏二十一夫故姑老女秀矢志守貞四十餘年如一日

鄭氏 貢生鄭昶女十九歸庠生王慶裕夫故遺腹生子天錫鄭奉舅姑撫子以守舅姑歿喪葬如禮歷節三十八年

王氏 馮天成妻夫病且危氏泣曰夫亡妾亦亡焉用生為乘間投繯時年二十二

傅氏 王質妻年十六歸質二十夫故遺孤之棟在抱撫之成年邑令旌之曰白首完操

耿氏 王澤湯妻事姑舅至孝姑病且危割股作羹以獻姑旋愈事聞邑令表其門曰孝可同天

郭氏 貢生郭壇女也年十九歸孟士恒夫故奉姑撫嗣守節三十餘年

韓氏 王鍾岩妻年二十四夫故遺孤七歲家貧公姑無倚紡織供養苦節四十六年

張氏 適石顯志生子甫一歲顯志病歿撫育孤子備嘗艱辛及姑歿子未成立獨力營墓哀毀骨立完節五十餘年

邑令懸額示旌

李氏

孫先妻年二十四夫亡守節事翁姑以孝聞完操四十三年邑令旌其門

王氏

年十九適程自正生一女而夫歿欲以死殉姑泣曰汝死我何依遂遵命奉姑紡織以供朝夕及姑歿將柩葬

舅棺已壞氏躬親檢殮合葬如禮五十餘年七十五而終

李氏

適張文虎二年虎卒撫遺腹子保安成立孝翁姑內外無閒言茹藥三十七年

黃氏

庠生岳尚讓妻歸六載夫故子際康在襁褓以翁姑老不忍殉事親育孤備歷艱辛守節五十餘年

張氏

岳尚仁妻適尚仁二年夫故無子撫姪際光承嗣視如己出奉養翁姑以孝聞守節五十餘年

田氏

適安出凡四載夫卒遺孤數月公姑已頽白事親撫孤茹冰蘖者七十年有司題其門曰節比松筠

秦氏

郭紹妻年二十六夫故無子守節四十六年

劉氏

王鵬妻年二十二鵬卒鵬弟鷗亦繼卒妻徐氏年二十俱無子相依以守歷四十餘年鄉里賢之稱為一門雙節

王氏

庠生李廷鐫妻年二十八夫故無子姑老且病承訣之祭夫垂泣以毋為囑氏含淚許之勤紡織以供養姑歿

喪盡禮撫姪為嗣守節四十一年

王氏

監生張值融子張杜妻年十七歸杜三載夫故矢志守節三十七年

安氏

王凡妻年十九夫故以翁姑無依奉事盡禮冰霜之操歷四十餘年

李氏

歸張子肅數月夫故家貧紡績荼苦萬狀孝養公姑撫姪文嚴承嗣守節三十餘年

萬氏

年十七歸王棟吳二載夫故無子矢志完貞歷四十餘年

郝氏

監生郝克恭女年十六適周養德九載夫歿公姑年老家極貧躬績紡以奉守節四十四年

陳氏

年十八適王為光七年光病歿念家貧親老不

徐氏

年二十一適諸生李鴻典姑患廢疾不能離床褥氏侍奉無倦容姑老齒落飲食維艱斷子乳以乳姑姑賴以延及姑歿哭之喪明鄉里稱之

李氏

子又謙妻年二十夫故遺孤存仁甫三日恩勤撫育教以義方翁姑生事死葬如禮守節六十四年

黃氏

高汝霖妻二十適高八年生子恒久夫故上有翁姑下無次丁黃矢志奉養撫孤成立娶媳許氏生子天佑恒久病故姑媳共勵冰操紡織自給各守節四十餘年

汪氏

年十九適儒童王遇時四載夫故翁姑衰老門無次丁汪竭力奉養生死盡禮以堂孫廷典為嗣苦節三十七年

劉氏

年十七適馬月桂子石龍二載夫故家貧日勤紡績孝事舅姑生死如禮守節三十二年

張氏

年二十適李鑑六年夫故無子翁姑年老家貧日夜績紡奉養盡禮現年六十守節三十五年

王氏

適張濟川年十七夫病且死謂王何以自處王曰以死殉及濟川卒父母憐其年少欲易其志王聞之登樓自縊為家人救免後乘間自縊

汪氏

年十八歸王思高五年夫故無子姑相繼歿氏喪葬以禮夫弟思端七歲撫育成立力為完娶取端子曰崙承嗣苦節三十五年

李氏

年十八適李修已六年夫卒遺孤忠美甫三歲翁姑俱逾六旬家貧紡績撫孤事親十五年無倦色咸稱孝慈焉及翁姑相繼卒罄家所有以營

周氏

孔毓壇妻年十九歸壇無子而夫歿矢志守節翁姑在堂生事死葬脩極艱辛撫姪傳鈿承嗣冰霜之操歷三十餘年

葛氏 年十六適張四端十年無子夫歿姑年七旬服勞奉養二十年無缺禮守節四十三年

李氏 適孔毓棟一年夫故遺腹子傳世撫養成立及葬翁姑後子與媳相繼歿焚焚一身脩極荼苦年七十六乃卒

李氏 適張曰儉四年夫故子烈甫二歲矢志事翁姑撫穉子成立苦節四十年

軒氏 王坤之母孝順性成姑老且病視寢奉藥備極勤敬與姑同臥動靜疴癢親為調護五年靡怠及姑危嘗糞泔疾屢籲天請以身代以焦勞成疾先姑歿里人公舉旌其門

栗氏 適李鉞二載夫故時年二十有遺腹逾二月而生子孝翁姑撫幼子守貞五十年

劉氏 適王世祈四載夫故上有舅姑並祖姑年逾八旬別無所出以夫從姪崇桑為嗣又天亡劉伶仃孤苦紡織以養及祖姑舅姑相繼卒經營喪葬俱克盡禮守貞三十四年

馬氏 年十七適席樂賓二十八夫歿無子止一女馬侍奉翁姑撫訓幼女迨翁姑卒竭力營葬苦節三十九年

季氏 年十八適王百梓梓病故季奉姑克盡婦道撫孤世道成立守貞五十一年

劉氏 年十六適庠生王勤王九年夫故遺孤正平甫九月舅姑衰老仰事俯育備極辛勤守貞三十七年

章氏 年十九適儒童張學理六載夫病危篤章晝夜焚祝乞以身代親侍湯藥二十餘日無少懈夫故撫遺孤守貞三十一年

孔氏 適李亭昂二載夫故無子曰勤紡績供奉孀姑族人為之立嗣姑卒喪葬如禮貞節三十五年

李氏 庠生李耀女年十八適劉景虞二載夫故無子孝事翁姑撫姪尚敏為嗣守貞三十七年

陳氏 年十八適監生孫其潛五載夫病危囑陳善事老母及卒陳矢志守貞奉姑盡孝撫孤成立苦節三十三年

馬氏 年十九適李應魁七年夫故矢志守節盡操井日夜事紡織奉養翁姑歷三十餘年

張氏 適王本基年二十夫故潔志撫孤勤劬備至守貞三十五年

張氏

適郭捍元生一女而夫卒翁姑年老生養死葬各盡以禮守貞三十五年

馬氏

年十七適尙獻猷九月夫故馬欲以死從姑解慰之越三月生女撫姪其哲為嗣事姑盡孝守貞三十二年

劉氏

適張召家甚貧年二十四夫故哀號不已赴水死

李氏

張燭妻安貧紡績年二十四夫故自經於房中

王氏

適貢生郭書子郅生二子炳煥夫故王年十九潔志守貞奉老撫幼守節三十餘年

張氏

王棟仁妻年二十三夫故翁姑年老子幼張撫事兼至孝慈兼盡守節四十七年

郭氏

周成先妻年十八歸周六載夫故舅姑在堂克盡孝道矢志守貞歷三十餘年

程氏

劉澤沛妻夫故無子翁姑衰老夫弟二人皆幼氏撫之成立各為授室未幾皆歿遺子女二人氏愛如已出翁

姑死喪葬如禮守節三十餘年

田氏

一德之女年十八歸謝聖獎二十七夫故遺子善娶李氏三年而善復卒遺子祚福姑媳紡績苦守各十餘年

梁氏

謝祚遐妻年十九子歸二十六夫故遺二子俱幼翁姑衰老養親育子脩極艱辛現年六十二歲

柳氏

適廖啟運三年夫故以姪鳳竹承嗣孝事孀姑色養備至守節五十餘年又廖三元妻年二十五而寡子在襁

褓茹藥飲冰三十餘年廖行忠妻閻氏年二十四夫亡撫孤成立守貞三十餘年一族三節里黨稱之

唐氏

鄢望妻年十六歸望越三載夫故無子慘不欲生念衰翁失明奉事不可無人誓死於夫墓前姑存以代養及

翁納妾氏曰奉養有人吾可以遂志矣卒投繯以殉

陳氏

徐文登妻年二十三夫故止遺一女家貧矢志不移舅姑欲令改嫁不從母又數逼之笑而不答姑察其有異

寢與同榻乘隙投繯

李氏

庠生李振女也年二十適同庠張日炳子塔塔號介石才美少負文名結褵未幾病卒邑令丹颺張公作詞哀

之意致悽惋氏生一女旋
殤勵志苦節三十五年

盧氏

庠生郭翰妻年二十四夫故雙親在堂夫弟幼弱氏事
育交盡迨夫弟娶妻生子寬甫週歲而夫婦俱亡氏取
為已子撫之成立娶孫氏生子林謙寬復故氏
率孫媳守志以存三世之孤卒年六十八歲

郭氏

張善長妻郭維玉女也年二十歸善長越四載夫故無
子以夫兄善隱子鯤為嗣矢志奉姑克代子職姑病到
股和糜以進
鄉里稱之

盧氏

周克展妻年二十八夫故子秀公姑年老
矢貞自勵克孝克慈守節歷三十餘年

郭氏

王澤蛟妻三載夫歿撫姪宏業
承嗣矢志冰清守節三十九年

張氏

任英秀妻年十九夫故翁姑憐其少家且貧欲
令改適號泣不從毀容見志守節四十三年

李氏

郭秀吉之妻年十八歸秀吉越三載夫故遺孤方五
月翁姑在堂氏生養死葬備極辛苦守節六十年

姬氏

庠生夢熊女年十九適王鑾五載夫故茹
藥飲冰奉孀姑以孝聞守節三十餘年

郭氏

年十八歸魏無知八年而無知病危泣囑氏曰我少孤
無兄弟三子皆幼萬勿作殉我計氏含淚應之矢志撫
孤卒致成立守
貞歷三十二年

王氏

適李明文二年夫故無子誓欲殉夫姊適楊早寡來勸
慰之勉以同守撫姪登雲承嗣及翁姑歿經理喪葬身
為諸婦先完
節四十年

軒氏

年十九適邵貴周三年夫故無子公姑衰老矢志奉養
迨公姑繼歿喪葬如禮撫姪拔為嗣守節四十餘年

高氏

里民盧祿妻年十九適祿事繼姑以孝聞及姑病故祿
亦病劇家貧無葬哀告鄰里舉棺葬於翁所而祿亦旋
卒罄家所有備棺以殮
其夫遂號泣三日自縊

姚氏

李文法妻年二十一夫故無子以親老矢志守節事翁
姑三十餘年以孝稱及翁姑相繼病歿營葬畢謂族親

曰我事畢矣將從夫於地下遂投繯死

范氏

年十九適吳玉欽二年夫故子謙甫數日撫之成立為娶王氏無何謙亦病歿王與姑偕守節操霜鄉黨公舉

邑令武旌其門

謝氏

適王振二年夫卒守節三十五年

吳氏

年十七適李存智夫故無子撫養弱女孝事公姑苦節五十二年

張氏

謝五常妻歸三載夫歿子希賢二歲以翁姑年老不忍殉事親育子脩極艱辛以積勞成病而歿

王氏

年十七歸郭叔玉二年夫故勤紡績以奉孀姑及姑病親嘗湯藥衣不解帶四十餘日守節終身

鄭氏

徐洛妻年二十八夫故子甫三月家道貧薄舅姑無依氏不忍他適孝養終身撫孤成立矢志三十五年

李氏

任英瑰妻年十九歸任越六載夫故遺孤尚在襁褓孀姑抱病氏仰事撫育備嘗艱苦守節四十四年現年六

十有九

郭氏

里民王森妻年二十八夫故子建爵尚幼氏矢志撫孤事翁姑以孝聞迨孤成立娶李氏年二十七而建爵復

故李奉孀姑一如郭之克盡婦職郭八十歲乃卒李守節三十餘年現年六十六歲

王氏

吳謙繼室庠生王世賢女也年十八歸吳越四載夫故門無應嗣翁姑老病湯藥必親喪盡竭力姑有二女年

荒就食破產周之無怨言守節三十餘年

吳氏

適劉休國四載夫故吳年二十四孝事公姑撫嗣好義卒以成名守節五十五年現年七十有九

褚氏

監生郭鵬妻年二十五夫故祖姑年九十姑久病不能動履氏奉祖姑及姑曲盡色養苦節歷三十一年

王氏

沈鉉妻年十八歸沈越九載夫故無子撫姪士賢為嗣矢志五十餘年

曹氏

王鎮妻年二十一夫故遺孤在襁褓舅姑俱老竭力奉養守節歷三十二年

梁氏 楊泰運妻年十八夫故事翁姑克盡孝道撫子成立備嘗艱辛邑命馮旌其門曰節孝堪型

顧氏 年十九適朱帝臣踰年帝臣卒生子永年纔一月家貧甚氏矢志靡他孝事瞽翁無少怠撫子成立勁節三十七年現年五十六歲

王氏 張柳妻年十九夫故生一女撫養成

陳氏 人孝事翁姑無少怠守節五十一年年十九適王之鈺六年夫故遺孤魯氏

李氏 歸王伯慎年二十七夫故子世高方在襁褓氏矢志勵節堅若冰霜持家寬嚴得體教子有方卒入成均苦節三十餘年邑令武以撫孤完節旌其門

烈婦烈女

張王氏 因李三襲語調戲羞忿自縊乾隆四十年邑侯陶以事聞建坊旌表

楊南氏 因李達泰襲語調戲羞忿自縊乾隆五十四年邑侯陶以事聞建坊旌表

王王氏 因李雙手口戲謔羞忿自縊乾隆五十六年邑侯陳以事聞建坊旌表

高孫氏 因劉宗堯口角穢詈氣忿投繯乾隆五十六年邑侯李以事聞建坊旌表

黃畢氏 因赫三口角調戲羞忿自縊嘉慶元年邑侯李以事聞建坊旌表

小劉李氏 因其族姪惡言穢罵氣忿自縊嘉慶二十一年邑侯孫以事聞建坊旌表

戴李氏 因戴光淙穢語詈罵氣忿自縊道光六年邑侯戴以事聞建坊旌表

賈氏 年二十適曹希孟越二年夫歿勤甚絕而復甦者數無親族可依葬夫後七日不食而死捐軀明志節烈凜凜閱數十年間

里猶稱之

馮氏 十七歲適謝又虔越半載夫病氏亦病氏匍匐奉湯藥晝夜無倦夫亡氏哭曰君其待我我將從君於地下及

葬水漿不入口晝夜不絕聲越十日而死

李氏 李世平妻性端嚴寡言笑年二十八歲夫亡矢志不再醮聞有欲嫁之者即縊而死時道光二年八月二十也

李氏 王存竹妻十八歲夫亡九日不食而死

韓氏 李澤珩妻隣人楊士魁夜偽作其夫入室戲韓魏九倫董現文亦係韓隣同楊進韓內院聞戲韓語而笑韓

覺怒罵楊等皆逸夫歸告明即自盡邑侯陶擬定楊士魁等罪韓得建坊旌表

劉氏 適陳復仲夫故氏年二十九將夫衣衾棺木辦理完備即自縊於尸側

王氏 張星明妻年二十三夫晨死即於日暮自盡

劉氏 崇安公張六三之妻也夙嫻女箴堅貞俠烈出自性生時崇安封疆未戢敵攻城陷氏遂為所獲誓不受辱奈

監守甚嚴欲死不得乃以金給守者且以言解之守者許諾氏入梅庭自縊崇安士女為立廟以祀之

康氏 王永安妻年十九夫故氏誓志殉節投縊數次俱被救甦氏日夜痛哭強延二十餘日防守稍疎氏遂從容自

縊而亡

孔氏 年十九歸王銘盤越二載生子成源未半載盤卒氏欲以身殉既而曰我死此子誰養乃止越半載而成源又

死氏曰吾所以不速死者為此一塊血耳今何望乎遂自縊時年二十二

劉氏 年十七歸尚舒泰三載夫亡遺女未離懷抱兩次投縊皆經救蘇舅姑勸以孤女無養母家亦數為開導劉許

以離懷自盡未三年劉果素服往夫墓哭拜歸即自縊

聶氏 劉德中妻年十九適劉養孀姑能得其歡心未數年夫故其兄勸之改嫁氏變色曰能為劉氏鬼不作別姓人

忿然不顧越年餘其兄擅受富室聘持以告其姑曰吾妹必不可留改適之期即在目前請以此為終養計姑

無奈含淚告氏氏沉音半晌方言曰誠如是小姑不遠請來承訣姑信之往迎其女比反氏閉門自盡矣

張氏 賀楷妻年二十四夫歿誓志殉節悲哀泣血絕飲食者六日至墓之日自縊而亡

賈氏 曹希堯妻年二十四夫亡願以身殉水米不入口七日而死

萬氏 年十八適李河林越數月夫亡氏水漿不入口六日而死

王氏 郭士和妻三年夫死遺孤僅一歲拮据撫孤飢寒備嘗力合葬翁姑於先塋遂自經

王氏 李仲鴻妻性質樸明大義年二十一仲鴻死氏遂投繯自縊詩人作詩以紀其烈有名垂千古烈骨浸九原香之句縣主陶以義烈堪嘉旌其門

軒轅氏 為竇姓子德養媳年十九未婚鄰子楊劉黨以褻言誘之遂投井死事聞邑侯戴具詳請旌有傳

王氏 監生王山言女許字汪榮光未婚榮光故女聞訃從容自經乾隆五十九年事聞旌以坊

薛愛姐 因惡棍符與照調之忿羞自縊嘉慶十四年邑侯王以事闢建坊旌表

張桂姐 因孫會昌調之氣忿自縊嘉慶二十三年邑侯孫以事闢建坊旌表

孝婦孝女

白氏 年八歲父白忠林歿十九歲母王氏歿弟鰲甫週歲上終身不嫁及祖父母歿盡禮撫幼弟成立現年六十二歲

林氏 李鴻贊妻以賢孝著學憲張旌其閭曰閨閣儀型

節婦

賈氏 路文煥妻從九永昇之母年二十六夫歿子甫四歲撫之成立矢志守貞三十餘載乾隆三十六年邑侯劉旌其門曰操比松筠

比松筠

其門曰操

比松筠

宋氏 儒童李燭妻年十八適燭越三年夫故無子截髮自誓事孀姑孝撫繼子慈守節六十一年壽八十二歲乾隆三十一年邑侯富

匾獎曰皓首完貞

李氏 郭又汲妻年十八適又汲越五載夫故遺子方三歲氏上事孀姑下撫弱子茹荼飲檠守節四十八年壽七十

一歲乾隆三十一年邑侯富匾獎曰慈孝全貞

張氏 賀應連之母早年孀居孤兒冲幼氏艱難備嘗心如鐵石守節六十年乾隆四十六年邑侯陶賜匾旌之

王氏 魏振海妻年十九夫故遺子霖甫二歲兩弟俱幼穉氏上事孀姑克孝下撫髻齡成立飲冰茹檠三十一年乾隆五十八年邑侯

李賜匾以獎之

王氏 孫克明妻年二十三夫故無子家貧躬績孝事翁姑撫弱弟克均成室苦節四十餘年嘉慶五年邑侯丁賜匾

之

陳氏 劉炳妻年二十一夫故遺子天祿幼氏孝事翁姑撫孤成立守節四十年嘉慶六年邑侯丁賜匾旌之

王氏 李鑫妻年二十三夫故無子家貧躬績奉事祖姑孝順翁姑苦節五十五年嘉慶八年邑侯丁賜匾旌之

郭氏 廩生李文光妻年二十九夫故遺子甫一歲氏孝事翁姑養葬盡禮撫幼子成室後子與婦相繼亡遺孫甫四歲又撫之成立苦節五十一年

嘉慶九年邑侯丁賜匾旌之

王氏 范大善妻年二十二夫故上事翁姑盡孝下撫嬰兒克慈苦節四十二年嘉慶九年邑侯丁賜匾旌之

魏氏 段霏妻年二十三夫故遺子戊辰尙幼及成立娶王氏甫三載戊辰又卒姑媳共矢栢舟姑苦節五十一年

苦節三十九年道光六年邑侯戴旌其門曰冰雪雙清

張氏 霍天富妻年十九夫故翁姑俱無貧無尺土撫繼子紹義甫三歲艱辛萬狀守節四十年現年五十九歲邑侯

高匾獎節操松筠

張氏

廩生張焯之女年十八適耿棟林越一載夫卒氏號泣呼天誓不獨生翁姑勸曰汝死我二老誰人侍奉亦必從汝地下矣氏乃節哀理家事不辭勞苦紡績以給翁

張氏

姑甘旨繼堂姪步雲為嗣享年七十三守節五十餘年

張氏

年十七適耿桂林越三載夫故誓欲自盡轉念翁姑老

子幼服事撫養無人乃此後其子步魁列成均氏卒年五十一守節三十一年

韓氏

年十九適張哲越二載哲卒氏撫遺腹子紡績度日事翁姑生養死葬如禮及身見元曾一堂五代享年九十

歲

韓氏

年十六適張曰賓越六載曰賓卒氏奉翁姑辛勤撫子煩炳暨孫世瑞世禎迄於成立現年七十歲

杜氏

年十九適張龍越一載龍卒氏欲自殉龍兄監生燦再三勸解願以次子占元承繼氏乃節哀撫子成立人武

庠年六十四守節四十年

郭氏

年二十歸王銘新未及一載銘新卒氏有孕言於姑曰吾若生女吾必死生男吾不死矣後果生子審源氏乃撫

孤成立壽至四十二歲卒

張氏

年十八適孔繼哲越二載哲亡氏欲自盡念家貧翁姑老奉養無人乃止以堂姪廣梓為嗣現年六十四歲

王氏

年十八適劉廷禎未一載廷禎病故遺腹生女矢志守節過胞姪為嗣卒年四十一歲

謝氏

庠生耿存肅之繼室舉人河內縣教諭耿儉德之冢子婦也於歸二年即喪所天誓欲同穴一慟而絕既甦轉

念舅姑老前子幼一死何益不如代夫行孝盡慈夫即死猶瞑目也於是節哀易慮事高堂唯謹撫幼子以慈

舅姑沒喪盡禮子正元列成均孫紹曾補弟子員一門衍慶人謂其苦節所致享年七十五府學全匾獎日

松操

鶴齡

劉氏

年十九適李繼賢越三載繼賢卒家貧紡績度日奉事翁姑無不周密以夫胞弟之子為嗣現年六十歲

祁氏

年十九適寶永安越二載永安卒祁晝夜織紡事姑至孝以胞姪全福為嗣破年六十三

孟氏

貢生孟儒林之女年十九適儒童王為博越二載博卒有子僅二月氏截髮毀面養天從一奉二老唯謹教幼

子入監沒年七十七歲

周氏

年十七適楊文禮未一載禮卒氏矢志守節孝事公姑過胞姪為嗣享年七十二歲

和氏

適王銘愛年二十夫故無子女亦無伯叔氏矢志靡他上事祖翁姑孝養勤謹及祖翁姑卒氏親理喪具哀痛

異常奉事孀姑愈加殷勤撫養兩叔成立守節四十九年

王氏

張曰桂妻二十二歲夫故矢志栢舟撫遺子杰七十六歲卒杰之妻章氏二十七夫歿氏上事孀姑下撫孤世

域守節四十五歲學憲王匾獎曰節孝可風

劉氏

年十七許字監生曹常安婚期已卜常安病臥床曹父與劉父商之欲停婚期氏知之請於父及期而嫁甫三日

而常安亡劉即投繯舅姑哭諭之曰吾祇此子爾能守節盡孝即吾子也劉視翁姑無依誓以終身守節四十年餘

尙氏

年十九歸劉炎三年夫卒撫子士泰成立孝事翁姑守節三十餘年

宋氏

年十八歸尙文雅三年夫亡一子居讓未離懷抱氏欲自縊父振先日尙氏不絕僅此孤子爾死誰育之乎宋

遂止奉祖姑及姑未嘗稍間每遇甘旨不給必與釵服以供之八十三歲而卒學政盧匾獎曰秋霜比潔

孫氏

適劉振江年十九夫歿一子尙幼氏撫孤成立孝事翁姑苦節三十餘年而卒

李氏

劉聿修妻歸劉七月夫亡守節四十餘年學政張匾獎媿美令女

葛氏

王國度妻年二十四夫故遺子天福天壽俱幼氏矢志守節辛苦備嘗年九十而卒

劉氏

尙獻謨妻十九歲夫亡撫子其睿成立年八十三歲而卒學政張匾獎曰苦節流芳

全氏

郭永瑞妻年二十三夫亡遺腹生子雲高苦節五十餘年而卒

凌氏

舉人郭維塘妾維塘任桂平縣調上林令三年卒於官凌年十九無出凌歸至江投水救之乃免因語眾曰從一而終婦之道也遂歸其家正室張卒凌溫柔慈惠訓子孫以義方子玉柱中甲子科亞元孫鴻年中庚子科舉人年九十

張氏

李環之妻年二十一歲夫亡守節四十餘年乾隆五十九年事聞建坊旌表

張氏

李保安妻性端嚴不苟言笑年十九適李九月而夫亡貞節五十餘年卒曹學憲以徠甫同貞旌其門

孫氏

湖南均州知州彥穎女王昌言妻年二十四夫故事婦姑孝撫嗣子從九燕成立卒年六十八歲學憲盧以節孝可風旌其門

張氏

監生王敷言妻年二十一夫故一子甫週歲氏矢志守貞勤儉持家以義方教子灼入成均守節四十九年學

憲盧以節孝流芳旌其門

任氏

李琬妻二十八歲夫亡孝事舅姑撫嗣子福倫入太學守節三十餘年邑侯馮以栢勁松貞旌其門

耿氏

李理之妻年十九夫亡孝舅姑撫嗣子鳴波入邑庠貞節四十餘年文宗吳以德媿女宗旌其門

李氏

許奈妻二十六歲而寡曲成夫志孝事舅姑義方教子人邑庠守節四十四年儒學韓以貞順可風旌其門

趙氏

丁文之繼室年二十八夫故家貧無子值歲飢叔姊將携數歲子世標外出氏曰丁門只此一子倘餓殍他鄉則丁氏無嗣矣因留以爲己子夜勤紡績易升斗以養八旬翁晝取草子與子共食翁沒氏獨力營葶撫世標成立經理家務井井有條暮年置田數頃曾元滿堂同居和睦皆氏一人力也年八十八而卒儒學孫以節比松筠旌其門

席氏

許文莊妻年二十夫亡無子翁姑及太翁姑相繼而逝皆賴氏經營以墓貞節五十三年儒學劉以松心竹筠

旌其

王氏 軒轅梅妻二十九歲夫亡家貧氏躬勤織紉義方教子及孫均成立貞節四十四年儒學劉以節勁松筠旌其門

韓氏

許字王鑑程年十六以夫幼未婚時姑趙年老夔日瞽暫領過門代姑操作越一載夫亡哭送穴前堅志留養苦節六十餘年而卒

趙氏

邑庠生王斗龍妻年二十八夫故子履坦甫三歲氏上事翁姑下撫幼子守節三十三年卒

丁氏

陳士運之母性勤儉厚重二十一年卒夫亡不嫁守節六十一

耿氏

李確妻性嚴厲勤儉善持家二十三歲而寡苦節五十年卒

李氏

李思道妻二十三歲夫亡不改適苦節五十年卒

張氏

李文賢妻十九歲于歸四月夫亡事舅姑孝教嗣子成立苦節六十二年而卒

李氏

王為哲妻二十五歲夫亡不嫁守節二十六年卒

劉氏

李繼先妻年二十四夫亡家貧其母欲嫁之比不從晝夜辛苦勤勞以養其子苦節二十八年而卒

李氏

李中立妻性嚴厲二十六歲夫亡勤儉持家事舅姑孝下教二子均克承世業貞節四十二歲而卒

馬氏

王桓妻二十三歲夫亡一子甫七月撫之成立教以義方苦節五十年而卒

王氏

王尙志妻年二十二夫亡越六月遺腹生男撫之成立守節二十三年而卒

王氏

聶奇資妻十八歲寡苦節五十七年而卒其嗣子聶文僧妻鄭氏二十四歲亦寡苦節二十五年人稱一門雙節

王氏

王碩彥妻年二十八夫故氏矢志守貞苦節三十八年而卒

季氏

貢生王九疇妻年二十九夫故子昌言貧言俱幼孀姑年老氏奉之至孝姑賴以慰教二子皆以義方七十三歲而卒

李氏

年十九適李養德三月夫亡苦節十六年而卒以夫弟養讓之子為嗣

孔氏

程士傑妻年二十三夫亡貞節六十一年卒

李氏

王景利妻二十六歲夫亡守節二十二年卒

顧氏

師鴻緒側室二十八歲水淹房塌一家俱覆沒惟氏與一子得免氏勤紡織艱苦備嘗撫子成立守節五十餘年卒

徐氏

候選布政司理問王九域妻性至孝姑多病日侍湯藥衣不解帶者數年及二十七歲夫亡氏溫惠敬慎以善教子貞節十五年而卒

劉氏

馮玉弼妻年二十三玉弼卒氏守貞遺腹生子榮宗撫養成立守節五十三年而卒

韓氏

丁崇妻年二十一夫故家貧無子翁姑伯姒俱逝伯氏二子錫疇錫韓俱幼氏勤織紡撫養成立教錫疇入庠以錫韓為嗣守節五十餘年卒

劉氏

王存虛妻性嚴重寡言笑家貧勤儉事姑孝十九歲夫亡苦節五十五年而卒

杜氏

王世祥妻年二十九夫亡苦節十八年卒

張氏

劉大士妻年二十七夫故撫子成立苦節五十六年卒

丁氏

鄭志學妻二十三歲夫亡事舅姑孝教子雲龍入成均守節二十九年卒

李氏

楊大武妻三十歲夫亡守節四十四年卒

何氏

監生楊湘妻三十歲夫亡一子七歲撫之成立守節五十四年而卒

李氏 李瑞雲妻二十六歲夫亡撫
二子成立守節四十二年

祁氏 李世臣妻性簡默二十三夫亡一
子未週月氏養老撫幼苦節三十年

楊氏 李耀昇妻二十三歲
夫亡守節二十七年

王氏 李本謙妻二十四歲夫故一子在
襁褓撫之成立苦節二十五年卒

張氏 王玉山妻年二十九
夫亡守節三十九年

王氏 王恒足妻二十三歲
夫亡守節二十七年

丁氏 許文忠妻二十三歲夫亡一子甫七日家赤貧
勤紡績上事舅姑下養幼子苦節四十六年

婁氏 許叙輔妻年二十五夫亡一子甫
一歲養之成立苦節二十八年

張氏 李鳴岡妻性温厚年十九夫故無子孝事
翁姑居家忍讓以姪為嗣貞節三十年

鄭氏 年十九適劉大鵬二月大鵬故氏矢志守
貞言動不苟苦節三十六年以姪為嗣

劉氏 李鴻學妻年二十八夫亡家貧一
子三歲撫之成立守節四十二年

汪氏 劉天叙妻性勤儉孝翁姑年
二十一夫亡守節二十九年

孟氏 王宣基妻二十六歲夫亡一子應麟二歲撫之成立苦
節五十三年應麟妻張氏二十二歲亦寡子家重亦二
歲恩勤教養貞
節三十八年

王氏 楊士吉妻二十六歲夫亡一子二歲翁老叔
幼賴氏辛勤合家得以保聚苦節二十五年

楊氏 王貫之妻年二十四夫故家貧一子
四歲撫之成立守節三十三年而卒

魏氏 侯選布政司照磨王至言妻年二十六夫故矢志守節
撫二子成立長子桐援例候選從九道光八年命子捐
地二十畝助義學現年五十
歲邑令戴匾獎曰志潔行芳

楊氏 王兆綸妻年二十一夫亡 事姑至孝守節四十一年

李氏 王兆豐妻年二十一 夫故守節三十二年

張氏 王石麟妻年二十四夫故遺子兆知未週歲孝事翁姑 慈撫弱孤守節四十七年邑侯陶以節孝可風旌其門

汪氏 年十七適王士傑七年夫亡孝事孀姑撫子金章成立 姑歿殯葬以禮儒學韓屬獎節孝壺範歿年八十六歲

梅氏 適范琛年二十七歲夫歿矢志守節撫子成 立七十八歲督學茅以節勵冬水旌其門

李氏 適張承先年十九夫歿無 子矢志勵節年六十而卒

丁氏 適邑庠生張夢龍年二十夫歿無子矢志勵節 撫姪為嗣年六十卒儒學劉國獎松心竹筠

劉氏 張夢麟妻年二十八夫歿子弱矢志勵節 孝事舅姑撫子成立守節三十三年而卒

牛氏 符秀坤妻年二十八夫歿無子矢志勵節事 孀姑盡孝道以姪興周為嗣年八十四歲卒

劉氏 賀依元妻年二十一夫歿無子矢志苦守奉 翁姑以孝聞以姪恒恭為嗣現年七十五歲

魏氏 劉澤萬妾年十九夫歿無子姑年老矢志代 夫服事撫嫡子超群如已出年六十八歲卒

丁氏 劉超群妻年二十七夫歿子應奎甫四歲矢 志勵節孝事孀姑撫子成立現年五十二歲

白氏 張顯曾妻年二十三夫歿無子翁姑年 老矢志勵節曲盡婦道現年六十八歲

王氏 適監生符國興年二十二夫歿無子矢志 守節以姪秉銑為嗣年七十五歲而卒

程氏 石大寶妻年二十一夫歿子聲宏甫數月氏矢志 勵節事翁執婦道訓子以義方年八十歲而卒

王氏 劉安仁妻年二十三夫歿無子氏念翁 姑奉養無人矢志勵節現年五十三歲

謝氏 劉漢杰妻年二十一夫亡無 子矢志勵節現年六十九歲

李氏 王子豐妻年十九夫歿無子矢志苦 守以姪建士為嗣守節五十二年

劉氏

符秉文妻年二十四夫故子興孔方一歲翁姑年老家貧矢志勵節竭力孝事撫子成立現年七十四歲

婁氏

符秉順妻年二十一夫歿子興仁甫一歲甘心守義現年八十五歲

王氏

李玲妻年二十一夫歿子志遠甫一歲翁姑俱歿上事太翁姑盡孝道撫子成立年五十一歲而卒

李氏

夏奇能妻年十九夫歿子光華甫九月氏矢志勵節現年四十九歲

鄭氏

張德秀妻年二十三夫亡守節四十三年

韓氏

鄭允讓妻年二十五夫亡一子甫一歲有欲嫁之者氏以死自誓苦節四十五年

李氏

適聶文若年二十四夫亡柏舟自矢守節三十六年

李氏

耿平妻年二十夫故無子以姪萬祺為嗣守節三十一年

程氏

馮保業妻二十六歲夫歿無子孝事舅姑以姪超然為嗣守節三十二年

李氏

馮萬統妻年二十一夫故孝事舅姑撫嗣子來召成立守節三十五年

張氏

魏景魁妻年二十三夫故家貧無子氏矢志事舅姑舅姑歿獨力營葬苦節四十四年

張氏

年十八適朱丕承越四載夫故無子以姪紹先為嗣貞節三十四年

周氏

適黃廷聘越三年廷聘卒氏年二十無子孝事孀姑苦節三十年

蘓氏

侯祿妻歸侯三月而夫死蘓年十九撫遺腹子永壽壽娶王氏生二子壽又死兩孀撫孤紡績度日壽子封齊

娶劉氏未幾齊亦死劉奉姑暨祖姑若王之奉蘇也蘓苦節六十四年王苦節四十一年劉苦節三十八年一

門三節鄰里重之

趙氏

適武生劉焯焯卒氏年二十四誓不改嫁以姪清彪為嗣申壬午科武舉氏貞節三十六年

林氏

適侯永禮永禮卒氏年二十六撫孤守節四十五年

祝氏

適王聯未三旬而聯卒祝守節撫孤子樵孫迦皆入庠教諭李以光垂彤管獎其門壽九十六歲

蘇氏

適生員王之潘之潘卒蘇年二十六撫子耿入武庠耿娶陳氏未幾耿死遺腹生子選齡入太學姑媳同節前後五十餘年邑侯程旌其門曰雙節流芳選齡娶高氏

生子時元監生選齡死高年二十四上奉姑暨祖姑以孝聞時元賢汪氏生子燃監生時元又早卒汪奉姑亦

若高之奉姑也乾隆庚子歲學憲王旌其門曰冰霜嗣

徽然娶梁氏生二子燃亦死梁訓二子培德入太學培三

列武庠蘇苦節三十六年陳苦節五十二年高苦節四

王氏

十四年五世水操君子為難之
適李淳樸淳樸卒王年二十四撫孤成立苦節三十年

汪氏

適王元路元路卒氏年二十二無子以姪為嗣苦節四十年

姜氏

適高海祥海祥卒氏二十七撫二子成立苦節四十二年

趙氏

年十七適李居溫越二年居溫卒無子以姪相金為嗣貞操四十六年卒

蘓氏

適高興儉興儉卒蘇年二十六無子以姪雲敬為嗣苦節四十年

鄭氏

適高越千越千卒鄭年二十六二子皆幼鄭上事翁姑下撫二孤三十年如一日現六十歲

嚴氏

李蘊德妻年十九夫故無子以姪魯育為嗣冰霜自勵孝事公姑守節四十一年而卒

理氏

李天擘妻年二十五夫故無子柏舟自矢事翁姑孝撫嗣子存柱成立守節六十一年

祝氏

焦雲程妻年十七歸雲程越一年夫故遺一子未周歲矢志守節孝事翁姑教子成立守節三十二年

王氏

李松齡妻年二十七夫故矢志守節孝事翁姑歷四十年餘年子監生君召娶楊氏生一子君召又死楊年二十

八守節四十年五年八十三而終楊年六十八一門雙節輿論重之

王氏

姜起麟妻年二十四夫故子甫一歲撫之成立守節三十二年

張氏 祝長成妻年二十二夫故上奉翁姑下撫孤子守節四十四年

王氏 祝長貴妻年二十七夫故子未離懷抱氏矢志守節歷二十五年

王氏 適李潮年十九潮卒無子以姪孫心樂為嗣苦節五十餘年儒學祝旌以額曰徠甫同貞

賈氏 楊作植妻年二十三夫亡無子以姪錫峯為嗣學憲莊以冰心玉映旌其門守節七十六歲而卒

張氏 楊生琬妻年二十三夫亡無子以姪文海為嗣守節五十二年卒

孔氏 適楊秉辰越二載夫亡無子以姪至德為嗣守節五十八年卒

王氏 周玉倉妻年十九夫故孝奉翁姑苦節五十年而卒過姪為嗣

張氏 孫致度妻年二十四夫故過姪為嗣守節今四十三年

李氏 彭曰行妻年二十四夫故家貧無子誓從一之志夫弟甫數歲氏撫養成人苦節四十二年卒

孫氏 彭曰利妻年二十五夫故苦節四十四年卒

谷氏 孫家駒妻年二十二夫故子幼苦節五十二年卒

王氏 孫應彪妻年二十七夫故苦節三十六年過姪孫為嗣

王氏 郭金陶妻二十二夫故苦節三十五年

秦氏 郭金治妻年二十夫故子未周月撫之成立守節四十年

李氏 王本信妻年二十九夫故守節四十四年以姪立樸為嗣

楊氏 王化南妻年二十一夫故家貧孝事翁姑苦節二十九年

王氏 郭純年妻年二十九夫故氏矢志守節乾隆丙午歲饑日不聊生氏事姑撫子卒能保全次子鳳岡由歲貢候補訓導亦氏教育之力苦節四十二年

張氏 王立國妻年二十七夫故遺孤僅七歲撫之成立守節四十一年

鄭氏 王化吉妻年二十二夫故苦節三十三年

宋氏 王化祿妻年十八夫故苦節三十二年

李氏 吳峯年妻年十八適吳四月夫故苦節六十二年過姪殿元為嗣

楊氏 任履中妻年二十二夫故守節四十六年過姪為嗣

賈氏 陳大雷妻年二十六夫故守節四十二年

郭氏 王世可妻年二十一夫故遺孤數月家貧紡績為生事孀姑孝苦節五十四年

郭氏 適李培璇二十六歲夫故不改適翁姑在堂奉事盡孝喪葬盡禮貞節三十九年而卒

范氏 適李永琴二十四歲夫亡遺一子云浦撫養成立年七十二歲而卒

李氏 適于信存年二十一夫故遺子天龍撫養成立守節四十七年而卒

李氏 適仝耀先年二十二夫故遺子至誠有翁在堂奉親撫孤貞節三十二年

白氏 年十九適李培聚二十四歲夫故無子氏矢志守節已歷三十年

于氏 年二十適李端越二年夫故遺子鳴彩上有老翁竭力奉養守節四十四年

張氏 適李金初二十五歲夫故無子以姪云潤承嗣貞節六十二年

何氏 適李培素二十三歲夫故遺子錫彤翁姑哀老氏奉親撫孤守節四十七年而卒

李氏 年十八適王心約越七年夫故遺子培彥撫之成立守節三十三年而卒

張氏 李云明妻年十九夫故無子翁姑在堂色養無間貞節三十三年

黃氏 適郭元昂年十九夫故無子氏矢志守貞孝事翁姑以姪孝敬為嗣年七十二而卒

王氏 郭元殿妻年二十五夫故無子氏因孀姑老矢志勵節撫姪孝行為嗣貞節三十六年氏姪孝至妻楊氏年十九夫故無子孝事翁姑矢志堅守節與氏同已歷三十二年氏姪孝誠妻王氏年二十五夫故翁姑俱歿僅有遺腹子道生撫孤勵節亦克嗣孀母徽已歷二十五年一門之內松筠相繼三咏栢舟里黨稱之曰

連氏 年十九適李懷二十七夫故遺子崇德氏撫孤奉親栢舟自矢貞節四十餘年

李氏 適周士毅年二十五夫故遺一子翁姑年老氏奉親送終撫孤成立貞節五十七年

閻氏 全治國妻年二十一歲夫故無子冰霜勵操撫姪太報為嗣守節四十一年

劉氏 李智義妻年二十九夫故遺二子連榮連仲家極貧奉祖姑及翁姑孝撫二子成立貞節六十餘年

陳氏 張承烈妻年二十四夫故遺子貞奉親撫孤現年七十四歲

張氏 陳瑞禮妻年二十四夫故遺子名科奉親撫孤現年五十九歲

石氏 年十七適陳九有越三日夫故矢志栢舟孝奉孀姑撫姪尙修尙榮為嗣苦節五十餘年

王氏 李維錡妻年二十于歸越七年夫亡孝事翁姑慈撫幼孤矢志守貞苦節三十六年

魏氏 邱鈺妻年二十夫故無子奉祖姑及翁姑曲盡孝養喪葬盡禮貞節三十四年

李氏 石宗宿妻年二十八夫故遺二子長子外居次子早亡家貧氏與媳紡績度日艱辛備嘗守節三十四年

成氏 趙朝文妻年二十三夫故遺子運成未週歲孝事翁姑慈撫幼孤現七十歲

王氏 林杭妻年二十五夫故子女皆無撫胞姪天德為嗣貞節五十年而卒

楊氏 孔傳國妻年二十七夫故守節四十四年現年七十歲

張氏 十九歲歸尙瑞林五年夫亡氏堅貞守節姑病侍湯藥弗懈每月朔望夜起祝天願以身代越三十年姑死舅年近八十張敬事弗違節孝著於閭里

繼子翁太教以義方現年五十四歲

劉氏 年十九歸尙發林四載夫亡貧無寸土撫孤遺紡績度日歲遭奇荒守志愈堅現年五十五歲鄉里無不憐其節苦

康氏 年十七歸尙茂林二載夫亡舅姑年老夫弟幼康勤紡織以資家用及叔娶宋氏未幾亦亡宋生遺腹子振太康持志愈堅妯娌和睦舅歿康典粧奩以為儉教姪以義方姑患病康衣不解帶晝夜奉藥餌姑卒殯葬如禮鄰里稱孝苦節四十餘年現年六十一歲

李氏 適陳士龍四載夫歿孤子尙懷抱也事舅姑生卒如禮撫子于貴成立娶曹氏甫生子于貴又天姑媳俱孀以紡織餬口撫幼孫孫配室生子又亡亦人生之極慘矣而李卒不怨天苦節五十餘年現七十三歲

王氏 年十七適張明多逾月夫亡矢志守節事祖父母舅姑未嘗稍有違言現年五十九歲

焦氏 年十八適劉珩琳數月夫亡遺腹生子文明氏檢藥餌以奉孀姑勤紡織以撫弱子現年五十六歲

王氏 年二十二適劉萬選三載夫亡無子翁姑俱歿以姪文林為嗣艱辛倍嘗現年六十三歲

王氏 年十八適張榮章一載夫亡氏敬事舅姑恪守婦道舉五十八歲

王氏 年十八適劉銑一載夫亡遺腹生子重華早入泮節孝五十餘年匾獎勵節成孤

郭氏 年十七適劉光祖二載夫亡孤子未離懷氏投環復蘇舅姑勸以弱孤無依乃止矢志堅貞克孝克慈苦節五十餘年

宋氏 適毛振堯年二十四夫故矢志守節以姪金銘為嗣入邑庠守節三十八年現六十一歲

毛氏 適韓國一年二十三夫故守節六十餘年壽八十八歲

王氏 適張澄年二十三歲澄亡無子取姪為嗣守節三十一年卒

邢氏 適賀方著年十八夫故矢志守節歷五十二年而卒

郭氏 適袁則賢年二十三夫亡遺孤甫一歲撫之成立孝事翁姑年七十八而卒

陳氏 年二十適毛滿甫一年夫故以姪為嗣守節四十三年而卒

孔氏 年十九適張焯越三年夫故撫子守節四十餘年現年六十五歲

劉氏 適張洪年二十四夫亡于方三歲母家欲奪其志氏堅執不從撫子成立壽八十七歲

孟氏 武生苑如渤繼室如渤死與側室王氏共誓相舟孟守節三十七年卒王守節三十五年現年六十二歲

趙氏 年十八歸苑長庚甫九月長庚死姑憐其幼欲嫁之氏誓死靡他以姪應兆承嗣現年五十七歲苦節三十九年

郝氏 年十九適孫廷魁越四年夫故無子以姪為嗣守節四十三年

閔氏 夫張就方中年壞一足不能力作父母惡之常欲自盡氏代為傭工極力周全就方終自盡氏痛哭幾絕因廢

有孕計存六嗣未肯墮生

後果生男守志四十年

陳氏 生員張金山妻年二十一夫歿無子堅志守節孝事孀姑以姪長清為嗣苦節四十八年卒

王氏 張金榜妻年二十五夫亡守節撫子文淑娶趙氏年十四生子一而文淑又死姑媳並勵冰操幼孫廷機教之讀入邑庠王守節五十年

五年趙守節四十年

董氏 李國奇妻年二十六夫亡無子以姪廣周為嗣守節四十年六十六歲卒

高氏 程守先妻年二十七夫亡堅志自勵以姪恒生為嗣入成均守節三十六年卒

高氏 程岱生繼室年二十七生一子夫亡元配生二子氏勤苦養育延師教讀長文奎入城均次文衢業儒現年六十八守節四十四年

四十四年

張氏 葛化臣妻年二十夫亡以長門姪建中為嗣入成均次門姪龍光三月失恃亦以為嗣入膠庠氏年五十三歲

而卒

湯氏

程作肅妻年二十五夫亡艱辛
備歷守節五十五年壽八十歿

郭氏

年十八適李益越六月而益死無子氏欲自盡念翁姑
無養矢志守節孝事二老撫夫弟成立苦節三十七年

現年五十五歲

張氏

王本桂妻年二十六夫歿遺子榮光氏堅志撫孤以延
宗祀甫數歲榮光又死氏紡績自給守節五十年壽七

十六歲

張氏

薛元成妻年二十八夫亡遺二子文忠文香矢志堅
貞教養二子艱苦備嘗守節七十年壽九十八而卒

郭氏

年十九適李秀嶺二載夫故翁姑年老
養生喪死無憾苦節二十八年而歿

程氏

年二十二適郭洪渠五載夫亡遺一子作宰纔及適氏
上事翁姑下撫弱孤矢志栢舟苦節三十八年而歿

白氏

袁崇林妻十九歸袁用二歲夫亡遺腹生子正玉家極
單寒氏父欲奪其志氏堅意不從謂上有八十歲太

翁又年老多病子弱吾若他適如一家老幼何書
則乞食夜則紡績苦節數十年現年六十二歲

李氏

歲貢生曰翰之妹二十三歲適李映錦越一載夫故氏
勤事翁姑夙夜不懈以夫兄歲貢朗子書富為嗣苦節

四十四年現年六十九

劉氏

李維欽妻年十九歸李未三年夫故撫遺腹子孝事翁
姑艱苦備歷五十餘年宗師吳以柔惠堅貞旌其門

張氏

王全棟妻十七適王越九載夫故無子氏念翁姑年老
無依矢志守貞姑患癰症氏侍湯藥十有一年未離左

右繼姪為嗣守節五十二年

王氏

張明著妻十九適張未及一年夫歿翁側室是年生子
文高越三年文高生母卒翁老叔幼氏以家事為已任

叔賴以成立以著堂兄三子為嗣守節十有五年卒

王氏

張文高妻年二十一歸張未一載夫故踰一月生子守益文高幼失怙恃依孀嫂撫養成成人氏志切報効願雙節未幾而孀嫂亡氏撫弱子堅持清操至今六十二歲

和氏

王先如妻年二十一適王越六載夫故無子並承繼無人且姑早亡事翁繼室勤懇孝養始終不渝夫兄買妾生二子以次子銘富承嗣沒年六十歲

軒氏

劉國安妻年十九適劉二年夫故生子大喜方九月氏家貧勤紡績事姑以孝著下教嗣子大喜考授曲阜屯官苦節四十餘年現年六十八歲

陳氏

劉文虞妻年十七適劉未二年夫故次子三省方幼家貧躬績上事翁姑下撫嗣子苦節六十三年

何氏

楊鳳集妻年十九夫故無子氏堅志守貞孝事老姑姑歿以夫堂弟鳳來子為嗣現年五十三歲

王氏

郭信德妻年二十五夫故家貧撫二子晝夜紡績事姑以孝聞教子成立現年六十五歲

焦氏

孫國寶妻二十二歲夫故事翁姑孝苦節自守四十四年

馬氏

李天祿妻二十二歲夫亡孝事翁姑苦節三十四年

李氏

孫天佑妾二十五歲夫亡冰霜自持現年四十九

劉氏

喬環妻十七適喬門七月夫亡孝事翁姑苦節七十一歲而卒

王氏

劉元重妻二十二歲夫亡子方三月孝事翁姑苦節四十一年

安氏

崔文郁妻二十六歲夫亡事姑以孝聞撫孤守節三十三年卒

李氏

監生郭天章妻二十六歲夫亡子甫二歲撫孤守節三十四年卒

張氏

黃士明妻二十二歲夫亡子方幼氏孝姑撫孤守節五十二年卒

王氏

拔貢郭雲鶴妻二十八歲夫亡冰霜自持三十一年而卒

王氏 武舉郭鏡之妾二十七歲夫亡貞節自守三十五年而卒

呂氏 武庠郭振華妻二十七歲夫亡子方二歲撫孤守節三十二年而卒

宋氏 監生劉國緒妻二十六歲夫亡苦節五十三歲而卒

劉氏 趙鳴珠妻二十三歲夫故貞節三十一年

程氏 王惠迪妻年二十一夫故無子以族姪心儉承嗣事老翁以孝聞守節四十餘年卒年七十二歲

李氏 劉派漢妻年十九夫故矢志不嫁事孀姑三十餘年以姪承嗣年七十而卒

趙氏 宋天畏妻年二十五夫歿撫子孝事孀姑守節五十餘年現年七十八

李氏 生員河清波妻增生李培璋女年二十八夫歿無子以姪扶邦為嗣氏現年七十二歲子死其媳王氏二十

歲矢志事姑現年五十八歲

張氏 平林妻年二十五夫故子幼孝事孀姑苦節三十餘年姑現年九十九歲

韓氏 適王相年二十六夫故矢志守貞撫子天玉成立歷四十四年

張氏 年十九適宋起才越四載夫亡撫子國寶成立守節五十二年

李氏 趙宏年妻年二十八夫故撫子昌裕昌順成立貞節三十七年

王氏 王崇順妻年三十夫亡撫四子守節二十四年

劉氏 張棟幹妻年十八夫故孀姑哀老氏殷勤事奉守節四十年

王氏 生員鄭玉齋妻年二十七夫故撫遺孤全成立娶范氏四載全亡無子姑媳同矢柏舟王年七十八卒范現八

十五歲一門雙節里黨重之

王氏 年十八歸馮東泗一載夫故氏代夫事親育子現年六十七歲

李氏

趙本資妻夫歿家貧子幼氏苦節自勵壽九十而終邑令孫以節壽嵩高旌其門

許氏

鄭復河妻夫死不嫁事翁姑以孝聞子淳入邑庠苦節六十餘年邑令陶以節壽雙輝旌其門

楊氏

鄭伯魁妻年二十五夫故家貧子幼舅姑年老氏苦節堅守不愧仰事俯畜鄉里賢之現年七十八歲

何氏

楊廷玉妻年二十二夫亡上奉孀姑下撫幼子績紡度日守節五十二年縣學李以徠甫同貞旌其門

程氏

楊廷燦妻年二十夫亡子方週歲苦節堅守事翁姑以孝稱撫幼子成立年七十八歲卒學憲王旌其門曰苦節可貞

貞

劉氏

柳行夏妻年十九夫故子方週歲氏撫之成立孝事孀姑里黨賢之現年八十四歲守節六十五年縣令可旌其門曰貞

風壺範

劉氏

楊福家妻年二十福家歿無子事孀姑克孝苦節三十六年

宋氏

楊春同妻年二十一夫故遺腹生子撫之成立事翁姑以孝稱守節歷五十五年

趙氏

年十九適楊廷棟半載夫亡家貧無子孝事翁姑苦節七十三年而卒

許氏

劉涵妻二十一歲夫亡子方幼穉苦節堅守五十四年邑令宋以寒落茂榮旌其門

武氏

劉曰棟妻庠生煒之母年二十歲夫亡翁姑年老煒方一歲養親撫孤備嘗艱辛年七十五卒

張氏

劉曰桂妻年二十五夫歿苦節堅守五十九年

程氏

年十九適楊福型八年生子二夫故撫孤成立翁姑年八十餘氏養生送死克盡其道現年六十一守節三十四年太守瞿旌其門曰潛德幽光

門曰潛德幽光

程氏

劉步雲妻二十五夫故孝事翁姑養盡如禮現年六十歲守節三十五年

賈氏

年十八適萬培倫十年夫故奉養翁姑存歿盡禮教子有方長金聲次金麟孫殿邦皆入庠守節五十二年

張氏 適李金傳二十二歲夫故遺二子法錦法
祿孝事翁姑撫養幼嗣現年五十五歲

李氏 適李培運二十八歲夫故遺三子金友金太金
丹家貧日事紡績教子惟勤現年六十二歲

李氏 適廖諮謙二十歲夫故無子翁姑年邁朝
夕奉事以姪林柯為嗣現年五十一歲

郭氏 年二十一適李培性越二載夫故家貧翁姑老遺子金
蘭甫十日氏矢志勵節奉事翁姑極得歡心撫養孤子
為之授室金蘭生子三仲孫法泮英年食餽旋舉於

鄉皆氏孝慈所致也苦節四十六年壽六十九而卒

鄭氏 耿文成繼室年十九適耿門二年夫故家貧事姑
劉氏克盡婦道教子憂麟入庠苦節三十八年

王氏 段澈源妻年十八適段門五年夫故
子幼家貧氏矢志守節八十歲而卒

劉氏 年十九適監生郭榮萬三載夫故遺孤岱岫甫一歲撫
之成立入國學岱岫歿遺孫鳳瑞甫九歲復撫之名列

成均壽六十六歲邑令
徐以女憲光貽獎之

張氏 郭岱元妻進士張相宅孫女年十八適郭七年
故家極貧氏事翁姑撫遺孤苦節五十七年而卒

王氏 丁天樞側室年十七適丁六年夫故家人勸令改
以死自誓撫繼子心廣為嗣守節三十年現五十三歲

張氏 年十七適邵文章四年夫歿依孀姑紡績度日
姑沒殯葬如禮撫姪鷺為嗣守節五十餘年

高氏 年十九適安逢祥八年夫故無子奉孀
姑朝夕不懈織紡度日守節二十七年

王氏 年十九適張日穉二年夫故遺腹生子熙氏堅志
守節上奉翁姑下教孤子入邑庠現年六十九歲

柳氏 吳進祥妻年二十五夫故守節二十一年現
年五十六歲邑侯戴以松柏為心旌其門

張氏 岳廷山妻年二十二夫故無子
矢志靡他苦節三十年而卒

徐氏 監生劉文炳妻年二十九夫故
無子勵志冰霜四十餘年而卒

王氏 李玉綸養媳未婚玉綸死氏誓不改適以姪承德為嗣
孝事翁姑勵節四十年乾隆五十四年督學劉旌以額

曰貞石

李氏 張世與妻結縵三載世與卒氏以柏舟自矢翁姑歿竭力營葬以姪彥貞為嗣苦節四十餘年

章氏 張廣武妻年二十廣武卒氏冰霜自勵苦節五十餘年以姪存聚為嗣

閔氏 李克武妻年二十夫故氏撫孤事親苦節五十餘年

黨氏 邢鍵妻年二十三夫卒守節以姪日惠為嗣現年七十六歲

劉氏 適李統年二十五夫卒無子以姪學富為嗣守節四十八年

張氏 趙談妻年二十二談卒氏勵節撫孤孝事翁姑苦節三十餘年

李氏 年十九適趙宏恒越二載夫故無子孝養翁姑苦節三十六年

王氏 李鑫妻二十歲夫歿事翁姑盡孝以姪沛澤為嗣苦節四十八年嘉慶八年邑侯丁旌額節孝完貞

程氏 王為崗妻二十三歲夫歿事舅姑盡禮撫訓幼子廷貞成立入府庠苦節三十四年道光五年府教授旌額冷

貞履

符氏 許相年妻二十一歲夫歿撫遺腹子鳳然成立入太學堅操自持現七十五歲

黃氏 王浦妻二十四歲夫歿撫孤子成棟成立守節五十二年

李氏 年十八適程浩生甫三月夫亡守節五十五年以姪鳳來為嗣年七十三歲卒

劉氏 張聞法妻家極貧年二十夫出外渺無音信翁姑勸之嫁不從誓奉翁姑以待夫還翁逝經營殯葬如禮痛翁無後勸姑取姪文明為嗣文明生子氏撫如已出守節五十五年

葉氏 生員張文澗妻年二十二夫故事翁姑喪盡禮撫姪守業為嗣守節四十九年

許氏 張元旭妻年二十二夫亡貞節自守事姑以孝聞迄今冰霜三十三年

王氏 何復禮妻年三十一夫故遺子天成方三歲氏矢志守節撫子成立娶袁氏生子允中甫四歲天成亡袁亦冰霜自勵姑媳共矢柏舟王守節四十七年袁守節二十五年

王氏 年十八適田玉成生二子春芳春茂二十三夫亡氏上奉老姑下撫幼子矢志貞守孝慈兼盡迄今二子成立現年七十九歲

王氏 年二十適李日明越二載夫故孝事翁姑撫孤士烈成立貞節三十三年現年五十六歲

張氏 白天桂之妻年三十一歲夫歿矢志守節事翁至孝現年七十五歲

葉氏 適貢生軒轅安年二十八夫歿遺子玉璋甫六歲孝事孀姑撫養幼子未幾璋亡以姪玉光為嗣入成均守節四十一年歿學憲

陳氏 監生軒玉光妻年十九夫歿以姪東山為嗣入武庠捐千總東山繼室張氏年二十亦寡與姑同勵苦節陳歿

茅匾獎芳流彤管

年五十八學憲吳以栢舟勵節旌其門張現年四十九歲

丁氏 生員丁天柱女年十七適武生張迎唐越二載夫故矢志栢舟為子娶媳守節三十三年

伊氏 曾懷智妻年十九適曾越六年夫卒撫遺腹子興文現年七十六歲貞節五十一年

胡氏 劉中須妻年二十適劉越三年夫卒撫孤子成立苦節五十餘年年七十八歲卒

劉氏 程詔士妻年十九適程越六年夫卒撫子克和成立娶任氏年二十三林又卒姑媳共矢栢舟劉八十三卒在

五卒

邢氏 王棟珠妻年十九適王越三年夫卒以堂姪為禮承嗣年七十五卒守節五十二年

劉氏 程端義妻年十九適程越六年夫卒劉年二十五撫養二子成立備嘗辛苦現年七十三貞節四十八年

葛氏 陳百魁妻年十七適陳越三年魁卒遺腹生子繼和葛刻意撫孤誓不他適年八十二卒

譚氏 程端仁妻年十九適程越四年夫卒撫子成立現年八十三歲貞節五十餘年

賈氏 安人例贈武畧騎尉楊肅公妻年二十歸楊逮事王父及翁姑生子秉衡未幾肅公亡氏泣謂人曰未亡人所以不死者以有此孤也上奉重幃延師課孤子王父及翁姑相繼歿秉衡亦亡安人督諸孫益嚴武魁清魁以武庠舉於鄉聚魁占

李氏 楊鳳天妻性和平孝翁姑年二十三夫亡撫孤成立守節二十七年

張氏 李子勤妻年二十九夫亡氏上事翁姑下撫弱息守節五十七年而卒

王氏 李本立妻年二十八夫亡教子成立苦節二十九年而卒

王氏 柳廷魁妻年二十三夫亡矢志靡他守節三十六年

王氏 柳廷環妻年二十三夫廷環從軍陣亡子應麟生甫週月氏勤紡績撫子成立其姑患病十餘年服藥湯藥未嘗少懈苦節二十年而卒

張氏 柳振夏妻年二十八夫故無子以姪萬育為嗣教之成立入成均守節五十五年學憲盧以栢節松勁旌其門

李氏 何琚妻年二十夫故守節撫繼嗣貞操五十六年

劉氏 王茂林妻年十七適王越三載夫故孝事孀姑下撫弱息志厲冰霜年六十二歲守節四十三年

何氏 朱文焯妻年二十夫亡氏事親撫子艱辛萬狀守節四十六年

李氏 朱光璽妻年二十三夫故氏扶老鞠幼操凜冰霜二十一年而卒

韋氏 張大體妻年二十三適體逾四月夫亡氏矢志守節撫姪為嗣現年五十一歲

張氏 和春材妻年二十四夫亡子幼氏上事翁姑下撫弱嗣現年五十五歲

劉氏 趙錦舒妻年二十一夫亡矢志守節現年六十四歲

劉氏 矢志守節現年六十四歲

劉氏 矢志守節現年六十四歲

劉氏 矢志守節現年六十四歲

劉氏 矢志守節現年六十四歲

趙氏 廩生孟鳳年妻年二十夫亡撫子成立苦節五十七年

崔氏 監生周樂義妻年二十五歲夫亡苦節五十八年卒

李氏 張斐妻斐卒李年二十一姑老子幼艱苦備嘗以節孝聞撫按旌之

商氏 段巨源妻年二十七夫故家貧二子幼氏紡績自給教次子林入庠苦節三十餘年

章氏 張以淮妻年二十五夫故子甫六歲撫孤成立守節二十五年

李氏 段芳田妻年二十八夫故撫二子苦節三十年現五十八歲

宋氏 郭景龍妻年十九適景龍越三載夫亡翁姑老生養死葬各盡以禮苦節六十三年八十二歲卒

馮氏 徐有植妻年二十夫故守節七十一歲卒

張氏 徐勤妻年二十七夫故守節七十四歲卒

程氏 生員徐懋德之母年二十夫亡守節七十歲而卒

徐氏 生員劉士臯妻年二十六夫亡守節六十二歲而卒

周氏 江文博妻年十九夫亡守節二十五年而卒

顧氏 廩生李家駮妻駮故年二十六撫遺腹子成立守節五十餘年壽八十三歲學憲茅匾獎巾幗芳徽

尙氏 李之燦妻燦卒年二十二歲子于坦方一歲尙奉舅姑撫子成立娶劉氏年二十四歲于坦卒姑婦守貞紡織自給學憲徐匾

馬氏 楊玉成妻年十九歸玉成越一載夫卒無子翁姑與會祖姑祖姑俱存氏虔事三世俱得歡心撫嗣子敏學成立苦節六十餘年學憲史匾獎其間曰志凜松筠

楊氏 軒轅永奇妻年十八夫亡家貧子世豐甫一歲氏以紡績事翁姑教子讀書入邑庠苦節二十八年

王氏 酒文江妻年十九夫卒遺子甫二月家貧氏志堅守孝奉翁姑撫育嬰兒苦節三十年

徐氏 張詢妻年二十夫卒遺一子撫之成立苦節五十八年

蘇氏 李荆山妻年二十夫卒無子以姪為嗣苦節四十年

張氏 王世勳妻年十七夫卒無子矢志柏舟撫姪為嗣苦節四十八年

張氏 程鳴和妻年二十二夫故無子撫嗣子成立苦節四十年卒孫玉顯妻張氏年二十五顯卒亦以柏舟自矢苦節二十年

楊氏 程雲漢妻年二十四夫故守節二十七年

張氏 周正祿妻年二十五夫故無子撫姪為嗣苦節二十六年

李氏 監生趙宏科妻年二十五夫故撫遺腹子昌宗成立苦節三十二年

孫氏 周正業妻年二十一夫故不改嫁貞節五十二年學憲盧鳳獎曰古井波澄周應魁妻侯氏亦早寡孫氏姊妹也撫子丕發成立例

傅氏 年十九適周正卿四載夫故撫孤成立苦節三十七年而卒

申氏 年十七歸程家修八載夫故撫子成立守節二十六年

朱氏 年十九適柳瑞龍五載夫故守節五十一年

李氏 宋景儒妻年二十五夫故撫子成立守節三十一年

申氏 年二十七夫王鐸故撫孤成立守節四十四年

郭氏 張崙妻年二十五夫故無子撫嗣子成立守節三十年

孫氏 年十八適庠生趙蔚起一載夫亡無子教嗣子成立守節六十四年

程氏 高雲鴻妻年二十五夫故義方教子林書援例捐千總

孫攀桂食餼貞節五十六年太守瞿以潛德幽光旌之

王氏 年十七適曹尙黎九載夫故撫遺孤成立貞節四十年

范氏 曹林妻年二十五夫亡矢志撫子苦節六十餘年

王氏 年二十適張文成三載夫故無子以姪守義為嗣貞節四十六年

李氏 年二十適張其雲越三載夫故撫子成立貞節五十二年

王氏 年十九適王為友越五年夫故以姪承先為嗣貞節三十年

何氏 年二十適宋銓閱五載夫故不改適撫子成立年七十而卒

程氏 年二十適牛尙學閱六載夫故無子以姪從龍為嗣貞節四十四年而終

王氏 年二十適王為德閱七載夫故無子以姪先春為嗣苦節四十年而卒

秦氏 年十七適宋澤鴻甫一月夫故以姪高林為嗣守節三十八年

王氏 宋思元妻年二十三夫故遺一子撫之成立守節三十三年

姚氏 年二十適王玉彩五載夫故無子以姪進修為嗣守節五十九年

張氏 王天驥妻年二十九夫故矢志守貞二十八年

王氏 年二十適趙天叙甫十月夫故無子以姪為嗣守節四十三年

王氏 李會元妻年十九夫故矢志守節已歷四十四年

朱氏 何天培妻年二十二夫故矢志守節歷二十七年

王氏 李元申妻年二十五夫故遺腹生子拮据撫養貞節四十五年

楊氏 汪志恒妻年二十四夫故無子撫姪錫範為嗣入邑庠貞節四十年而卒

李氏 汪志善妻年二十夫故撫子成立守節三十八年而卒

唐氏 姚順妻年二十二夫故無子撫姪為嗣苦節三十七年而卒

蔡氏 衡去玷妻年二十九夫故撫孤守節三十二年

張氏 適韓文宣年二十八夫故矢志勵節撫子授室五十五年而卒

張氏 適王繼聖年二十四夫故撫子撫姪為嗣四十八年而卒

常氏 范仲元妻年三十夫故不嫁遺子六歲守節二十五年而卒

趙氏 監生耿振烈妻年二十二夫故守節二十一年而卒

孔氏 郭亦健妻年二十八夫故守節三十六年現年六十四

張氏 郭同澤妻年二十一夫故無子矢志勵節歷三十六年

李氏 劉鳳臯妻年二十三夫故無子矢志守節三十八年

王氏 適陳起瑞年二十九夫故遺二子尚幼撫養成立守節四十五年督學王以姆教克嫻旌其門

耿氏 郭廷敬妻年二十二夫故無子撫姪為嗣貞節四十九年七十一而歿

王氏 年十八歸賈思謹越八月夫故以姪為嗣貞節三十餘年

賈氏 年十八適孔繼戶越二年夫故氏貞節自矢三十年

劉氏 年十八適程森越五年夫故撫二子教以義方長維朗入武庠次維翰業儒守節三十年

劉氏 年十九適程柱年餘夫亡以堂姪維新為嗣現五十七歲

李氏 適韓富科年二十六夫亡苦節五十餘年

平氏 年十九適軒良貴越五年夫故以姪元峰為嗣貞節三十餘年

軒氏 年十九適程璵二十五歲夫故撫子文才貞節五十餘年

楊氏 年二十適扈振明二十七歲夫故撫二子貞節四十餘年

趙氏 適韓潛修二十八歲夫故撫二子守節五十餘年迄今八十四歲

張氏 適程班二十五歲夫故遺二子文端文卓苦節五十餘年

郭氏 年十八適龍克修甫一載夫病篤截指納藥鏤不瘳夫歿閏二月遺腹男龍復生氏乃易從死之志為撫孤之心事舅姑孝教子成立年五十五而卒子龍復拔貢孫廷圭歲貢廷霖拔貢廷言拔貢孫曾書香衍慶皆氏苦節之所致也項邑侯龍公旌以畫荻心勞之額

蕭氏 李文彪妻年二十二夫卒無子氏矢志勵節四十四歲而卒

程氏 霍榮妻年十九歸榮三載夫故撫子從九宗程成立守節五十一年而卒

段氏 適張兆祥年二十七夫亡代夫事親教子貞節三十八年而卒

張氏 適傅春芳年十九夫歿撫遺腹子績紡度日貞節三十二年

李氏 年二十適朱天祥越五年夫故栢舟自矢歷四十九年壽七十而終

李氏 適董天運二十一歲夫亡承歡撫孤歷四十五年現六十六歲

劉氏 適張彥明年二十七夫歿養親撫子紡織度日貞節七十八歲而卒

軒氏 麗玉律妻年二十五夫故遺子成章娶軒氏軒二十三而章亡遺子法娶楊氏俱早亡二軒煢煢無依姑守節五十年媳守節三十六年一門之貞義稟稟

岳氏 王俊秀繼室年十九適秀越三年夫沒遺腹生子曰禮前子曰梅曰義岳撫養如已出義娶張氏五年義沒遺孤學顏學舜張截髮堅守禮娶楊氏三月禮沒楊投繯以殉及殮顏色如生一門三節里人稱之

岳氏 孤學顏學舜張截髮堅守禮娶楊氏三月禮沒楊投繯以殉及殮顏色如生一門三節里人稱之

岳氏 孤學顏學舜張截髮堅守禮娶楊氏三月禮沒楊投繯以殉及殮顏色如生一門三節里人稱之

岳氏 孤學顏學舜張截髮堅守禮娶楊氏三月禮沒楊投繯以殉及殮顏色如生一門三節里人稱之

岳氏 孤學顏學舜張截髮堅守禮娶楊氏三月禮沒楊投繯以殉及殮顏色如生一門三節里人稱之

岳氏 孤學顏學舜張截髮堅守禮娶楊氏三月禮沒楊投繯以殉及殮顏色如生一門三節里人稱之

岳氏 孤學顏學舜張截髮堅守禮娶楊氏三月禮沒楊投繯以殉及殮顏色如生一門三節里人稱之

郭氏 張廣恩妾年十九夫亡姑卧病十數年郭敬事之撫嫡子榜如已出六十二歲終

賈氏 適羅三益年二十六而寡守節二十九現五十五歲

劉氏 適姜文成年二十八夫歿撫子成立年六十七歲

張氏 適姜繼成年二十九夫歿撫子矢志靡他現年六十三歲

李氏 適劉九成年二十六而寡撫姪為嗣守節四十九年現年七十五

蘇氏 適張應龍年二十五夫亡守節三十年

張氏 適劉魁文年二十二夫歿貞節二十餘年

苑氏 姜崑山妻年二十九夫歿撫子成立現年六十五歲

張氏 適姜大賢年二十八夫故守節三十一年

毛氏 適姜國柱年二十而寡守節三十一年

于氏 山西平陽知府于麟性之女適邑庠姜璠璠年二十一夫故矢志事親撫姪為嗣守節四十年而卒督學實以柏舟嗣美旌其門

王氏 年十九適張明發二年夫亡氏欲殉死既而日改適不義棄親不孝以姪獻吉為嗣貞節三十二年

張氏 適楊大本二十六歲夫亡撫子成立壽七十五而卒

李氏 姚鶴鳴妻年二十二夫故遺腹生子翁姑相繼歿家貧甚有祖姑在氏撫弱子養祖姑艱苦萬狀旨甘不缺祖姑嘆曰吾無以報孫婦惟願有賢子孫耳苦節二十九

萬氏 監生陳有年妻年二十五夫亡守節四十五年而終

常氏 張平安妻年二十二夫亡撫子成立苦節四十七年

軒氏 張可柱妻年二十四夫亡撫子苦節三十七年

張氏 孔廣福妻年二十一夫歿矢志守貞事翁姑孝撫子昭奎成立苦節三十五年邑侯戴旌其門

宋氏 孔繼耕妻年二十四夫故撫養幼孤廣銓廣釗躬勤紡績守節三十餘年

張氏 樊隆魁妻年二十夫亡孝事翁姑撫子均成立媳亡遺孫興唐夫弟隆雨隆岡夫妻相繼而亡遺姪忠辰姪亡

遺姪孫興家一門五孤俱待張撫養邑侯丁匾獎曰彤管增輝氏現年八十二歲

馬氏 張益謙妻年二十四夫亡撫二子成立現年六十四歲

侯氏 年十八適張藻麟數月夫亡栢舟自矢三十餘年而卒

趙氏 萬復友妻年二十三夫亡無子事翁姑孝殯葬以禮孤孀度日現年六十八歲

楊氏 年十九適王理二年夫亡撫子先啓成立娶黃氏年十而先啟卒遺腹生子銘遠娶李氏年十九而歸

子源滄甫三月三世共勵栢舟楊年六十一歲而卒黃年六十四歲李年四十三歲松心竹筠里黨稱之

王氏 年十七適韓金山六年夫亡無子以夫堂弟金盤繼翁姑嗣金盤娶妻生子氏視若已出現年六十七歲

李氏 年十五適吳友紀越十三年夫亡無子孝事孀姑現年六十九歲

盧氏 年十九適王銘水越二年夫亡無子以姪為嗣貞節四十餘年而卒

張氏 年十七適王為舉七年夫亡氏奉孀姑以孝聞現年六十八歲

黃氏 年十九適田志端五年夫亡撫孤守節二十八年

閻氏 適張景渠年十九夫歿守節安貧孝事翁姑已歷二十七年

孫氏 年十九適王雲從二十八歲夫故躬勤紡績以事舅姑撫姪家玉為嗣現年六十三歲

張氏 廣東糧驛道張曾孫女增生張憲祖之女也適吳藻元越一載夫亡苦節自守數十餘年學憲王匾獎曰貞節

風維

郭氏

年十七適田熙未週而夫亡氏貞節六十餘年學憲王匾獎曰荼苦松貞

盧氏

年十九適常在新二年夫亡遺子甫月餘翁姑亦相繼立娶妻五年生一孫而子媳偕亡氏慟欲自盡既而嘆曰常門四世之宗祀在此弱息耳吾不忍常氏之鬼從此餒也於是撫育幼孫辛苦備嘗守節六十餘年訓導祝作傳文勒貞珉以旌其操焉

王氏

張學顏妻適學顏六年而夫亡教子讀書紡績以度守節四十餘年

李氏

張世法妻年二十四夫亡無子有翁姑在孝敬不怠以堂姪為嗣苦節四十二年而終

姜氏

王光燦妻年二十一夫亡安貧守節撫姪為嗣已歷三十餘年

周氏

王傑山妻年二十三夫亡遺一子方歲餘氏欲自盡而姑泣告曰吾子死汝亦死吾依何人吾孫又依何人

氏慨然曰代夫盡孝撫子成立兒任其責姑無

憂焉於是日勤織紡以給衣食苦節四十四年

業氏

馬興武妻年十八武因貧外出業晝夜勤苦孝事翁姑三載後武卒於外氏矢志守節撫姪承祧現年六十二歲

朱氏

年十八適李永成越三載成卒遺子紹先矢志守節三十五年

許氏

韓起雲妻年二十四夫亡撫子矢志冰霜已歷三十六年

孟氏

年十七適陳敬二十一歲夫故無子撫姪安邦為嗣娶毛氏邦又卒遺一孫魯碧姑媳同勵節操撫碧成立孟

年七十六而卒毛年六十二而卒一門雙節眾共欽之

李氏

王貴妻年十九夫卒孝奉舅姑撫子成立守節四十四年

張氏

孫兆萬妻年二十四夫故遺子甫一歲奉姑十年以孝聞守節三十二年

孫氏 黃良承妻年二十五夫故遺子甫三日奉翁九年晝夜紡織以孝聞苦節四十四年

王氏 孫三賢妻年二十四夫亡家貧翁老紡績奉養鄰里稱之苦節五十年

李氏 彭曰羅妻年二十四夫故無子零丁孤苦清操益堅守節四十六年

姬氏 孫學曾妻年二十六夫故冰霜自持守節三十一年

陳氏 郭信萬妻年二十一夫故無子守節五十年

姬氏 孫存庚妻年二十一夫故守節三十四年

郭氏 王天玉妻拔貢郭雲鵬之女年二十三歲夫故無子苦節四十四年

王氏 孫致遠妻年二十歲夫故守節三十二年

張氏 李應桓妻年二十一夫亡守節三十二年現年五十三歲

劉氏 王立正妻年二十夫亡以胞姪化魯為嗣貞節五十一年現七十一歲

郭氏 年二十適庠生廖聚會三載夫亡以姪志祖為嗣貞節六十九年而卒

李氏 王立基妻年二十一夫亡無子以姪化魯為嗣五十五而卒

劉氏 邑庠王勤妻年二十九夫故上事翁姑下撫幼嗣壽七十而卒學憲王匾獎曰陶孟遺風

建氏 年十七適張宏禮二載夫故無子撫姪成年麟為嗣貞節六十二年壽七十九歲而終

章氏 年十九適張中魁四年夫卒撫二子成立守節五十年現七十三歲

范氏 葛冬妻年二十八夫故撫子成立苦節五十四年八十八歲卒

謝氏 葛松林妻年十九夫死如老子幼苦節四十年而卒

孔氏 適蘇桂林年二十七歲夫卒以姪贊育為嗣撫之入庠苦節四十年六十六歲卒

劉氏 安士英妻年二十夫故矢志栢舟上事翁姑下撫幼嗣
苦節五十九年七十九歲卒邑侯陶旌其門曰節義雙
高

柳氏 年十七適劉積中越二年積中卒無子家貧矢志守貞
紡績以奉翁姑撫姪玉山為嗣苦節六十一年卒

于氏 歸劉永泰二十八歲夫亡矢志栢舟教子維嚴入邑
庠現年七十五歲守節四十七年學憲吳匾獎筠栢堅
貞

李氏 王銑繼室年二十二夫亡翁姑衰老氏矢志守貞撫前
室子思誠取妻張氏年十八越七日思誠又亡張入房

縊救免太翁姑泣曰汝姑媳不死吾無子而有子無孫
而有孫矣張悟太翁姑繼歿張過堂姪為嗣殯葬如禮
姑媳共勵栢舟李現年
六十七張現年五十四

張氏 王立墀妻年二十二夫故遺腹子化彤氏上事翁姑
盡孝道下撫弱子延師讀書現年七十歲歷節四十九

年

李氏 孔繼業妻年二十四夫亡無子矢志栢舟
孝事翁姑撫姪廣培為嗣現年五十五歲

孔氏 張冲妻年二十一夫故子天順甫三月家貧甚氏
矢志守貞紡績度日養子成立現年五十六歲

耿氏 王希堯妻年二十八夫亡遺子方三歲矢志
栢舟孝事翁姑撫孤成立守節三十二年

朱氏 高來瑞妻年二十二夫歿無子矢志守
貞撫姪為嗣苦節二十八載現五十歲

劉氏 姜文成妻年二十八夫故孝事翁姑
訓子成立苦節四十年現六十八歲

張氏 王石麟妻二十四夫故苦節四十年
七年邑侯陶旌其門曰節孝可風

王氏 宋元凱繼室年二十夫故無子氏矢志栢舟孝事翁姑
撫姪植為嗣守節三十年而卒乾隆庚午學憲盧賜匾

獎巾幗
清操

楊氏 武生王貫之妻年二十四夫故家貧一子四歲氏撫養成立苦節三十三年而卒

徐氏 年十八適靳伯錫越三月夫歿氏不食者數日孀姑王氏慰勸乃止矢志守節姑媳共勵栢舟事孀姑克孝現年四十四歲

崔氏 鄭曰普妻年二十三夫故無子冰霜自勵孝事翁姑以姪為嗣四十一而卒

龍氏 岸生苑如淞妻性貞淑二十六歲夫亡事姑至孝撫前子附貢生繩廣成立守節四十二年有賢聲焉

王氏 李維錡妻二十八歲夫歿事翁姑孝翁七十得風癱症臥床七年奉之更加懇勤撫幼子及幼孫皆至成立六十四歲卒苦節三十六年

魏氏 邱珍妻年二十夫故無子奉事祖姑及翁姑曲盡色養喪葬盡禮貞節三十四年現五十四歲

陳氏 張潼妻年二十九歲夫歿事祖姑及翁姑克盡孝道以夫堂弟延榜子為嗣守節四十五年現年七十四歲

張氏 周子重妻年十九歲夫故子士貴甫一歲氏孝事舅姑撫孤成立守節三十一年現五十歲

劉氏 張廷獻妻年十七適廷獻未週歲而夫歿氏誓死守節朝夕不離姑側立其姪培學為嗣撫養備至迄今五十二歲矢志三十五年

謝氏 蔡懷賓妻年二十三夫故遺子廷俊甫三歲氏上事翁姑下撫弱嗣矢志七十年九十三而卒

高氏 監生劉澤萬妻年二十九夫故子超羣甫二歲氏矢志勵節撫養弱孤壽七十九歲苦節四十一年

許氏 適李占二十一歲夫故無子氏痛不欲生因姑老無乳自服藥下乳取弱叔思而飼之俟其婚娶生子國舉氏立以為嗣現壽八十六歲

曹氏 適李懷林年二十五歲夫故孝事衰姑立姪光山為嗣現年五十二歲守節二十七年

王氏 郭全安妻年二十七夫故子來遴未週歲氏念一死不足以盡責上事衰姑下撫弱子現年五十二歲守節二

十六年

何氏 夏奇英妻年十九夫故遺子瑞機年甫週歲氏孝事翁姑撫孤子瑞機入邑年三十五歲而卒

馬氏 武生苑如濱妻年十九歸如濱甫七月夫故氏欲以身殉孀姑張勸止之遂取姪繩德承嗣與張合居一室二十餘年不離左右張卒氏哀慟盡禮撫子繩德成立入武庠現年七十五歲勵節五十五年太守瞿匾其門曰

潛德幽光

胡氏 監生苑如濱妻年二十三夫故氏矢志栢舟孝事翁姑無幾子繩德成立年五十八歲道光八年邑侯

李氏 鄭林妻年二十三夫故氏矢志栢舟孝事翁姑成立苦節二十八歲現年五十八歲道光八年邑侯

馬氏 朱壘妻年二十八夫故無子有人勸以易操肆口詈罵現年五十八歲以姪文明為嗣

郭氏 王禎妻年二十四夫故教子成立守節三十八年

顧氏 張伯麟妻年二十三麟故撫孤蔚先成立入國學乾隆四十八年學憲李以徽揚形管旌其門壽至七十八歲

郭氏 張碩輔妻五月輔故以姪耀先為嗣教以成立守節盡孝四十五年學憲王旌其門曰內則克嫻壽至六十八歲

劉氏 吳廷璋妻年二十七夫故撫一子翀元棟教之成立翀入邑庠氏現五十七歲

郭氏 吳磊妻磊故氏年二十守節五十二年

孫氏 陳克林妻年十九夫故守節以姪為嗣現年六十六歲

李氏 張塏妻年十八夫故以姪為嗣苦節六十餘年

劉氏 范國珍妻年二十二夫亡守節以姪為嗣現年七十二歲

黃九姐

自幼許字某生，姐後漸貧，其父乃農家者，流溺受甚，甚有悔婚意。女跪庭中，晝夜哭泣，以諫曰：「姐之貧，女之命也。從一而終，我不可改。」父置弗聽。翼日，女乘母外出，遂自縊死。時年十九。



